



宋元詩會卷之六十二

皖桐陳

焯默公輯選

後學程

仕松皋叅較



蔡珪

字正甫金丞相松年之子也七歲賦菊詩語意驚人日授數千言天德三年進士擢第後不赴選調求未見書讀之其辨博為天下第一歷澄州軍事判官三河薄正隆三年銅禁行官得三代以來鼎鐘彝器無慮千數禮部官以正甫博物且識古今奇字辟為編類官丁父憂起復翰林修撰同知制誥改戶部員外郎大常丞丞北廷稽古禮文之事取其議論為多大定十四年由禮部郎中出守濰州道卒

感寓

九官名世人制作歸一夔達樂不達禮漢儒言足嗤古人寓意耳結釐持鍛鎚俗子未易識絕藝聊相推坐令編簡門亦以專門奇堂堂張長史楷妙世莫知謂予言不信願視郎官碑奇疑作期

霽州道中

雨底無殘暑，風日夕佳。山藏路煙樹，記人家小渡一聲。檣斷霞千點，鴉詩成鞍馬上，不覺在天涯。

出居庸

亂石妨車轂，溪沙困馬蹄。天分斗南北，人間日東西。側腳柴荆短，平頭土舍低。山花兩三樹，笑殺武陵溪。

秋日和张温中韻

琴裏忘憂盡，日彈百憂俱。息夜初闌，青燈把卷逢真味。綠酒傾尊破薄寒，月色半留梧影上，露華應到菊花團。在家須信負猶好，夢想人間行路難。

馬定國

字子卿，在平人。唐中令馬周之裔。孫少日，志趣不凡。宣政未題詩，酒家壁有蘓黃不作文章，伯童蔡翻為社稷臣之豫。用是得罪，亦用是得名。阜昌初，遊歷下亭，以詩撼齊王。豫豫呂與語大悅，授監察御史，仕至翰林學士，石鼓自唐。

以來無定論，子卿以字畫考之，云是宇文周時所造。作辯萬餘言，出入傳記，引據甚明。學者比蔡正甫、燕王墓辯，其初學詩，未有入處。夢父與方寸白筆，從是文章大進。自號齋堂先生，有集傳于世。

雨晴離開花寺

澗谷流秋水，樓臺入暮寒。連城遭雨積，一日得泥乾。利劍青蒼室，名駒白鐵鞍。回頭棲隱地，風樹響珊珊。

送王松年之汝上

去去東平道，飛轅不可攀。地鄰邾子國，天近穆陵關。問俗徵前事，移家卜好山。溪堂醉花月，春興幾時還。

清平道中

棘林苦苜野，花黃一馬駸。駸渡漂陽別墅，酒旂依古柳。點溪花片落，新香伏波事業空。歸漢都護田園不記，唐今日清明過寒食。又将書劍客他鄉。

登歷下亭有感

男子當為四海遊又攜書劍客東州
煙橫北渚芰荷晚木落南山鴻雁秋
富桑麻連魯甸用兵形勢接營丘
傷者不見桓公業千古遠城空水流

招康元質

此生一著定如何不傷田疇即釣蓑
北阜平蕪隨鳥遠東湖新漲與天多
詩成重墨題飛葉睡起輕芒踏軟莎
猶有客愁銷不盡風軒茶竈待君

題崇子中菴

羨君高節似陶潛五畝園林老不添
遯世人情雖淡薄開門秋色自清嚴
案頭黃卷香終日砌下蒼苔兩一簷
後夜中秋更應好隔窗雲木看飛蟾

香巖病中

九州四海盡行路萬戶千門非我家
金彈不徒驚燕雀春雷終待起龍蛇

郢州城西

秋江白水浪花麤墟人歸鳥自呼
新月高城三百雉角聲吹徹小 于

宣政末所作 二首

蘇黃不作文章伯童蔡翻為社稷臣
三十年来無定論到頭姦黨是何人

山杏山桃取次開紅紅白白上樓臺
移將海底珊瑚樹乞與人家也不裁

張子羽

字叔翔東阿人馬定國齋堂集載其師友六人叔翔亦其一也定國謂叔翔于文章無所不能嘗仕金官洛陽云

壽張和滑益之

理髮秋庭起夕陽靜中誰可共傳觴雲橫故國三年別水遠孤村六月涼病眼只貪書味永渴心頻夢橘奴香魚山早有終焉計少日應容解印章

朱自牧

字好謙棣州歷次人於皇統年間南選宗端卿榜登科大定初以同知晉寧軍事卒官有詩云寒天展碧供飛鳥落日留紅與斷霞又云水禽孤影白霜果半腮紅海氣升孤月巖姿起曉煙山雪尋崖斷林煙逐樹低燈殘星在壁霜重水漫衾句法之工類如此

訪山寺僧

踏破蒼苔叩竹扃晚晴夜院有餘清幡腰落日紅千甍簷際遙岑翠一橫種秫公田聊卒歲栽蓮僧社擬投名從今興熟頻來

往未信齋鐘午後鳴

謝吳堡知寨安巨濟贈紙百幅

百幅溪牋遠見羞故人佳餉若為酬幸將晚節收魚網未得良工起鳳樓柿葉學書差足慰芸香辟蠹會須求揮毫不見雲煙落愚賈操金愧暗投

晚泊濟陽

江北秋陰一半晴晚涼留與客襟清水邊画角孤城暮雲底殘陽遠樹明旅雁為誰來有信斷蓬如我去無程寥寥天地孰知已村酒悠然只獨傾

郊行

緩轡尋春水一涯最憐朝雨浥輕沙小溪煙重偏宜柳平野雲垂不礙花青眼步兵元好酒黑頭江令未還家興長不覺歸來

晚過盡城頭陣陣鴉

劉汲

字伯溪 南山翁之子 天德三年進士 釋褐 慶州軍事判官 入翰林為供奉 自號西巖老人 有西巖集 傳于家

題西巖

人愛名與利我愛水與山人樂紛而競我落靜而閒所以西巖地千古無人看雖看亦不愛雖賞亦不歡欣然會予心卜築於其間有峰極峭岿有泉極清寒流觴與袂禊終日堪盤桓此樂為設信哉居之安

劉瞻

字巖老 亳州人 天德三年南榜登科 大定初召為史館編修 卒官

春郊

桑芽粒粒破春青小葉迎風未展成寒食歸寧紅袖女外家紙

上看蠶生

所見

傾敲石片插漣漪上有蕭蕭楊柳枝藻荷半浮苔半溼浣紗人去不多時

郝侯

字子玉 太原人 正隆二年進士 仕至河東北路轉運使 子居簡 字仲寬 進士 不第 有詩名 太原平陽間 居中 字仲純 樞密院令史 出身 嘗刺坊州人物 楚 楚 所謂文獻不足 猶超人羣者也

蝸室

草草生涯付短椽身隨到處只安然功名角上無多地風月壺中自一天世路久諳甘縮首翅車才值便流涎一生笑我林樵拙辛苦營巢二十年

奉陪太守遊南湖同郭令賦

翠幄千章蔭晚空年華心賞兩無窮雲頭欲落催詩雨池面微
生解愠風經笥使君談似綺僊舟令尹飲如虹姬隅自適清池
樂不信叅軍是郝隆

寺樓晴望

詰曲闌干面翠微蔥蘢窗戶溢清暉雨侵斜日明邊過雲望山
前缺處歸多病過春猶止酒薄寒向晚却添衣宦名不負滄波
願羞見陂田白鳥飛

任詢

字君謨易州軍市人父貴有才幹善畫喜談兵以宣政間
遊江浙君謨生于處州為人慷慨多大節書法為當時第
一畫亦入妙品評者謂畫高于書書高于詩詩高于文然
王內翰子端獨以其才具許之君謨正隆二年進士曆省
椽大名總幕益都都司判官北京鹽使課殿降州佐時無
借力者故連蹇不進六十四致仕優游鄉里家所藏法書
名畫數百軸日夕展玩不
知老之將至年七十卒

西湖

西湖環武林澄澄大圓鏡仰看湖上寺即是鏡中影湖光與天
色一碧千萬頃堤徑截煙來樓臺自昏暝

庚辰十二月十九日雪

馮夷剪水翻銀璣北風浩浩如兵威瓊臺玉樹壓金碧三十六
宮明月輝五更待漏雞人唱近衛臚傳九天上須臾龍馭踏飛
瑤萬戶千門寂相向皓齒才人宮袖窄巧画長眉梅半額含嚙
一笑競春妍繡勒錦羈生羽翮城外雪深回馬首別殿傳觴燈
作晝歡聲一曲借春謠半夜西風滿花柳霑濡已見盈千陌况
是降冬見三白帝力如天人得知今慶明年好春澤

馮子翼

字士義大定人正隆二年進士性剛果與物多忤用是仕
宦不進以同知臨海軍節度使事致仕居真定有詩樂府

世傳于

三月七日登龍尾山寺

古寺尋龍尾山城送馬蹄花濃香脰膈泉瑩冷玻璃寒食春無
幾催歸日欲西春風吹病眼煙樹遠淒迷

佑德觀試經

林館清溪小雪殘釀梅天氣不多寒窗竟日無人到只有蕭蕭
竹數竿

邊元鼎

字德舉豐州人元元勳元恕俱有時名號三邊德舉十歲
能詩天德三年第進士以事停銓世宗即位張太師浩表
薦供奉翰林出為邢州幕
官復生誣累遂不復仕

帝城

帝城回想夢魂中秋月春花在處同朱雀橋邊三月草鳳皇樓

上四更風錦囊別後吟箋少玉笛閒來酒醖空贏得當時舊標
格九分憔悴入青銅

新香

新香終比舊香濃只是相逢久不容繡被瞥同巫峽夢銀鞍多
負景陽鐘寶檀煙斷閒金獸玉鎖聲傳惱睡龍簾影漸分風又
起一塘秋水落芙蓉

閒題

十年一夢到灰心歸鬢吳霜漸欲侵物外少逢稀有鳥冶中仍
作不祥金閒雲閣雨終何事枯木因風亦自吟却歎淵明非達
道無絃猶是未忘琴

偶見 二首

牛女佳期歲一過都緣迢遞隔金河可憐馬上香車畔只隔珠

簾更不多

輕蓮素質澹蕭蕭葉密溪深未可招
雨暗蘭舟人去後却容白鷺逞風標

李晏

字致美高平人唐順宗第十六子福王綰之苗裔也父森字彥寔工于詩致美皇統二年經義進士釋褐臨汾丞時張太師浩判河陽一見愛其才為之延譽稍遷遼陽幕官與興陵有藩邸之舊入翰林為學士高文大冊號稱獨步拜御史中丞明昌初為禮部尚書分諸道府試復經義該經意童種科皆自致美發之

贈燕

王謝堂前燕秋風又送歸向人如惜別入戶更低飛
海潤迷煙島樓高近落暉不知從此去幾日到烏衣

高麗平州中和館後草亭

藤花滿地香仍在松影拂雲寒不收
山鳥似嫌遊客到一聲啼

破小亭幽

王寂

字元老薊州玉田人系出三槐父礎字鎮之國初名士仕至歸德府判官元老天德三年進士興陵朝以文章事業顯終于中都路轉運使壽六十七諡文肅有拙軒集北遷錄傳于世

送張仲謀使三韓

照海旌幢出樂浪過家上冢路生光
鴨江桃葉朝迎渡岳嶺松

花夜煮湯思詔肅將芝檢重醉鞭低鳥
玉鞘長遺民笑指天車

道酷似南陽異姓王高麗稱中原使節皆曰天車其官事見閻子秀鴨江行記

奉題少保張公曲阿別墅

鐘湖亭下水淙淙綠野平原未易雙
十里藕花紅步幃一軒松

蔭碧油幢洛中獨樂有司馬天下不名知
曲江紙尾欲煩賢宅

相雨蓑添我坐蓬窗

宋元詩會

卷之六十二

存

素堂

宋元詩會

卷之六十二

七

鈔本

劉仲尹

字致君蓋州人後遷沃州正隆二年登進士第以路州節度使副召為都水監丞卒致君家世豪侈而能折節讀書詩樂府俱極蘊藉有龍山集嘗與其外孫欽叔處見之參涪翁而得法者也

秋盡

利祿蝸涎壁年華蟻夢槐秋隨庭樹老寒逐雁聲來養性論三適分愁咏七哀閉門人客少書籍遠牀堆

墨梅 二首

瘦損昭陽鏡裏春漢家宮主奉烏春孫淚痕滴盡穹廬月誰道神香解返魂

生憎施粉與施朱換骨玄都亦自殊疎影冷香題不到夢驚煙雨暗西湖

劉迎

字無黨東萊人初以陰試部掾於大定十三年用薦書對策為當時第一明登進士第除幽州府記室改太子司經顯宗特親之重之二十年從駕涼陁以疾卒章宗即位錄舊學之勞賜其子國樞進士第無黨自號無諍居士有詩文樂府號山林長語詔國學刊行

河防行

南州一雨六十日所至川源皆汎溢黃河適及秋水時夜來決破陳河堤河神憑陵兩師借晚未及晴昏復下傳聞一百五十村蕩盡田園及廬舍我聞禹時播河為九河一河既滿還之他川平地迴勢隨弱安流是以無驚波祗今茫茫餘故迹未易區區議疏闢三山橋壤勢益南所過泥沙若山積大梁今世為陪京財賦百萬資甲兵高談泥古不須爾且要築堤三百里鄭為頭汴為尾準備他時漲河水

雲中君圖

衣若新沐蘭湯薰靈巫拜舞方迎神恍然相見帝者服九歌昔
咏雲中君画史亦可人妙入造化域羽衣玉塵羨且閒此意不
知何處得空明倏忽紛溟濛胡為眷眷臨壽宮飄然來下復遠
舉想像决去随飛龍詞空人散秋蕭瑟落日猿聲喚秋色湘天
極目青茫茫憑高一望無南北

梁忠信平遠山水

憶昔西遊大梁苑玉堂門閉花陰晚壁間曾見郭熙画江南秋
山小平遠別來南北今十年塵埃滿目不見山烏靴席帽動千
里只慣馬蹄車轍間明窗短幅來何處亂點依稀佈浣寒具煥
然神明頓還我似向白玉堂中住濛濛煙靄樹老蒼上方樓閣
山夕陽一千頃碧照秋色三十六峰凝曉光

題十眉圖

寶箱拂塵金鈿膝周昉丹青見真筆春風曾解賦妖嬈人共画
圖成十一燭奴香底花光凝錚錚鐵響聞三更車聲雷動不通
語眼態波橫空送情蠻雲盤鶴遼天濶犀玉依依對書札人生
何處不相逢還醉武陵溪上月

沙漫漫

沙漫漫草斑斑南山北山相對看我行乃在山之間行人仰不
見飛鳥樹木足知邊塞少沙漫漫草斑斑我行欲起西風還僕
夫汝意莫愁衣單我但著衣思汝寒

車輓轆

馬虺隤牛齮棘山行縈紆車輓轆路傍指點是官人老矣一翁
雙鬢白汝牛幸可耕汝馬幸可騎有此可載琴書歸胡為奔走
東西道白髮刁騷被人笑

海上

潮蹙三山島煙橫萬里沙
蜃樓春作市鼉鼓暮催衙
一曲水僊操片帆漁父家
安期定何處試問棗如瓜

秋郊

秋水四五尺暮山三兩峰
浮雲白毫相落日紫金容
蓑笠前村笛樓臺古寺鐘
殷勤小平遠圖畫憶渠儂

代人憶舊

緩步素絲障微吟紫綺裘
醉便風側帽歌愛月明樓
犀軸題春恨銅荷滴夜愁
風流十年夢燈火漫揚州

彥美生朝

壯日里閭俠臂彎雙角弓
繡鞵紅匝匝貂袖紫蒙茸
雲態自蒼狗玉輝猶白虹
為君占壽骨綽起有清風

寄題安巖起宮舍北濱

一軒高占鳳麟洲要作人間汗漫遊
海國風煙自朝暮洞天日月幾春秋
夢魂欲拂三花樹生計聊隨一葉舟
待我丹成訪君去閭風佳處卜菟裘

和人七夕韻

今古良宵此會同望穿雲物有無中
人間鈿合三山隔天上靈槎一水通
鵲樓空紈扇月鴛鴦機冷苧羅風
不須更乞蛛絲巧久矣人生百巧窮

代王簿上梁孟容副公 二首

妙年椽筆賦長楊一日聲名滿四方
天上風流青瑣客人間嘉慶綠衣郎
錦囊看讀金花誥画戟閒凝燕寢香
預恐政成趨急詔海沂無計駐王祥

自笑微官馬骨高十年霜鬢雪刁騷長林豐草未適性尖帽短
靴安得豪名宦真同一雞肋簿書空束兩牛腰故園清興湖山
裏歸去經營一把茅

清明前十日作

雨餘天氣動朝寒寒食都來數日間羯鼓催開小桃李画屏圍
出好溪山塵埃老我真堪笑風物撩人欲破慳梅雪已殘春過
半一樽何處與公閒

會客普照繼呈此詩去及瓜不數日矣

室中呼起散花天來伴維摩到處禪百刻篆香消晝永一番花
雨破春妍雲山真欲追聲叟風腋何妨借玉川他日想思共明
月舊遊應說禁煙前

觀古作者梅詩戲成一章

翠袖佳人修竹倚風姿婬約破湖光靜中慣識形神影妙處誰
知色味香觀想有靈通水月孤音無伴挾冰霜故人愁絕今何
許煙雨霏霏子半黃

聞彥美服藥以詩問訊

耳邊塵事且無喧聽我歸耕郭外村賤子自藏蝸殼舍故人誰
並雀羅門書窗共作三年計樽酒相逢一笑溫不信家山不堪
隱仇池今在古銅盆

次劉元直韻二首

一秋何事憶歸頻正已家無妬婦津未許桂枝招隱士不妨桃
葉贈行人夢魂歷歷千山遠客宦悠悠五斗貧犀箸鸞刀許何
日歸來舉案得紛綸

半年歸夢別離間只有音書雁足還羅幕翠橫秋掩冉玉壺紅

涇淚瀾斑天明不作霧非霧月破可憐山復山準擬春風對眉
牕一樽相對洗愁顏

和曹次仲韻因以自感

自笑區區學道難未容香火訪名山因循憂患餘生裏收斂光
芒窘步間白社祝公今日始丹丘容我幾時還相從願結翻經
會共過壺中日月間

陪諸友登三山亭

半濠清淺芰荷凋落日登臨未寂寥山色逼秋潭作市海聲迎
暮欲吞潮沙頭白鳥疑相熟熟木未青旂苦見招不似常時對
官府可無閒話及漁樵

題歸去來圖

筆端奇處發天藏事遠懷人涕泗滂餘子風流追魏晉上人談

笑自羲皇折腰五斗幾錢直去國十年三徑荒安得一堂重寫
照為公桂酒瀉蕉黃

昌邑道中

屋角雞號夜向晨客牀相對話悲辛流離僅脫噲等伍老大空
為濟上人却掃欲安無事貴累人猶說立錫貧故山鄰里今安
否歸去同尋筍蕨春

寄題孔德通東園

花木陰陰一畝宮平生高興與誰同樽罍北海無虛日鄉里東
家有故風先業固知衣鉢在大門應惜橐奩空襄陽耆舊今誰
識尚喜風流見阿戎

題仲山枝巢

鏡中青鬢入霜皤歲月從交落魄過物理不容人過分生涯休

歎我無多百年竟似蠅鑽紙萬事終同鼠飲河祇恐徐公宿緣
在東風時夢海棠窠

梅

誰道江梅驛信遲碧琅玕裏見橫枝為尋疎影暗香處獨立嫩
寒清曉時嚼蕊不妨浮白飲認桃休賦比紅詩平生東閣風流
在何遜而今鬢欲絲

城南菴

故鄉歸思白雲邊餅鉢東來想浩然桑下久無三宿戀室中今
許一燈傳夢驚城郭風塵窟興寄湖山雪月船老矣重遊恐難
得平生四海與彌天

寄題薊丘僧房

道人休去白雲邊老矣分明懶瓚然叅學誰能知許事退休聊
得息諸緣忘形馬跡車塵外適意山光水影前想得松根憇寂
寞壞殘雲衲半垂肩

聞丘丈晚集慶壽作詩戲之

桃李欲開風雨多花時猶得屢經過緩聽一曲玉連瑣滿汎十
分金卷荷紅燭影紗聞喚馬翠羅承鞵見凌波杜陵老矣孤春
事奈此詩愁惱亂何

河橋

桃李香中八九家青旂高挂綠楊斜晚來風色渡頭急滿地蕭
蕭楊白花

過關渡水圖

短車無復駕青牛散策方來對白鷗煙水從容許君獨暫須分
我一船秋

歸來圖戲作

雲髻春風一尺高，笑攜兒女候歸橈。須知一首閒情賦，合為微官懶折腰。

党懷英

字世傑，宋太尉党進之十一代孫也。父純睦，自馮翊來。以從仕，即為泰安軍錄事參軍卒。官妻子不能歸，遂為奉符人。懷英之在學也，母夫人夢道士吳筠來，托宿及公生儀觀秀整如神僊。然少穎悟，日授千言，師毫社劉巖老濟南辛幼安，其同舍生也。嘗試東府，取解魁。是後困于名場，遂不以世務嬰懷。放生浪山水間，詩酒自娛，筆瓢屢空。宴如也。夫人石氏，祖徠先生之後，亦能安貧守分。既久，鄉豪傑有知公者，稍料理之。大定十年，擢進士甲科，調成陽軍事判官。汝陰令入為史館編修，應奉翰林學士。出為大定軍節度使，為政寬簡，不言而人化。召為翰林學士，承旨。大安三年九月，年七十，終于家。諡曰文獻。

瓊花木后土像

皇媧化萬象，賦受無奇偏。胡為墮愛境，亦為尤物牽。煌煌靈祠

花玉葉冠春，妍婉如傾國。姝獨立江湖邊，顧惜怨奪移。含秀梁宮煙青黃，竟自冠始信。擁腫全珍材，歸好事肌理。緻且堅，琢刻方寸餘。遺像規汾壩，願言稅靈馭。要復安所憐，神遊妙難詰。豈以大小懸，槐根開夢國。橘寔遊碁僊，靜想寶龕中。坐納東南天，况有大者存。拍顧起八埏。

西湖晚菊

重湖滙城曲，佳菊被水涯。高寒逼素秋，無人自芳菲。祥飈散幽馥，晴露墮餘滋。蹊荒綠苔合，采采歎後時。古餅貯清泚，芳樽滿塵霏。遠懷淵明賢，獨往誰與期。衰回東籬月，歲晏有餘悲。

西湖芙蓉

林飈振危柯，野露委荒蔓。孤芳為誰妍，一笑聊自獻。明妝炫朝麗，醉態羞晚困。脉脉懷春情，悄悄驚秋怨。豈無桃李媒，不嫁惜

嬋媛悠哉清霜暮共抱蘭菊恨晚菊芙蓉詩未見風致而遺山極賞併舉王子端獄中賦萱作

配柳州芍藥東坡長春母乃過手
趙飛燕寫真

昭陽宮裏千蛾眉中有一人輕欲飛姊妹黃綠恃新寵六宮鉛粉無光輝春回太液花如繡花底輕風扶翠袖君恩不許作飛僊襪積宮裙留淺皺君王貪宴溫柔鄉掖門不省搖倉琅避風臺成略今古空使遺妒驚霓裳當年傾城復傾國誰寫餘妍入丹碧背燈擁髻一潸然不應尚有樊通德

楚清之画樂天小娃撐小艇偷抹白蓮回不藏蹤跡浮萍道開詩因題其後

樂天歸卧湖山邊閒買池塘娛暮年小蠻已老樊素去心地玲瓏如白蓮室中誰遣散花女故點禪衣香破禪鴛鴦為報竊花

處題要戲小嬋娟紅妝秋水照明蠲清之粉本清且妍道人無心被花惱對画作詩真適然君不見元亮投名蓮社裏不妨更賦閒情篇

王庭筠

字子端態岳人父名遵古字仲元以正隆五年進士仕為翰林直學士才行兼備道陵所謂昔人君子者也早子端早有名大定十六年甲科文采風流照映一時歷州縣用薦得供奉翰林承安中為言事者所累謫州幕府未幾復應奉稍遷修撰卒

獄中賦萱

沙麓百戰場烏鹵不敏樹况復幽園中萬古結愁霧寸根不擇地于此生意具婆娑綠雲杪金鳳掣未去晚雨沾濡之向我泣如訴忘憂定漫說相對清淚雨

舍利塢

宋元詩會 卷之六十一
蒼山亭亭如覆盎佛塔東西屹相向林頭朝日射重檐黃金丹
砂擘生光中華此塔第十五圖記所傳知不妄智慧薰成舍利
羅夜半奇芒時一放想見當時阿育王麾叱神工鞭鬼匹雲車
瘴海挽炎沙沙底黃腸三萬丈石排方面茂石段鐵錮瘦中腰
鼓樣工夫精美密業長久位置尊嚴氣高張地皮浮水膚寸許
旱溢與之俱下上崧山歸山夏雨雨潦從衡歲相盪天龍圍護
夜又守終劫不敢生波浪塔前樹秀老不死樹下水流多益壯
再拜初嘗一勺甘洗我三生煩惱障

銅雀瓦歌

袁輔之得鄴城注雨瓦筒用以支琴予因作詩紀之

鄴城城南青雀來五樓突兀肩三臺胡桃萬瓦淨如水春陰不
敢生莓苔檐雨闌干三百尺多年雨齧空堦石繁華已逐水東
流斷甃時從耕者得可憐此物得君手愛之不啻連城璧錫花
如雪錯髮華小字興和猶可識晴窗拂拭支桐君上下一般蛇
蚶文哀彈遽止不成弄千古愁聲誰忍聞

送士選山東外臺判官

秋天寥廓使星明常光動山東七十城玉署文章厭聞冷繡衣
風采試澄清人隨白雁霜前到詩遶青山馬上成才力如君君
未老只愁無地避功名

韓陵道中

石頭犖确兩坡間不記秋來幾往還日暮蹇驢鞭不動天教仔
細數前山

黃華山四絕句

帝遣名山護此邦千家瑟瑟嵌西窗山僧乞與山前地招客先

開四十雙

王母祠東古佛堂人傳檐宇自隋皇年溪寺廢無僧住滿谷西風栗葉黃

手拄一條青竹杖真成日挂百錢遊夕陽歆下山更好溪林無人不可留

鏡臺前

玉龍半山飛雪舞天風寒雲直上三千尺人道高

觀避暑宮

趙秉文

字周臣滄陽人開其自號也幼穎悟讀書若夙習大定二十五年進士應奉翰林文字坐譏訕免官承安五年冬十月陰晦連日宰相萬公入對上顧謂萬公曰卿非言天日晦冥亦猶人君用人邪正不方者極有理趙秉文曩以言事降授聞其人有用才藻工書翰又且敢言朕非棄不用以北邊軍興姑試之耳泰和二年改爲戶部主事翰林修撰出爲寧邊州刺史二年改平定州治化清淨所去人思

之貞祐初國中仍歲被兵公建言時事可行者三一遷都二導河三封建廷議略施行之四年除翰林侍讀學士明年轉侍讀與定中拜禮部尚書兼侍讀同修國史知集賢院開興正月京師戒嚴時公已老日以時事為憂雖食息頃不能忘每聞一事可便民一士可擢用大則拜章小則為當路者言殷勤鄭重不能自已竟用是得疾薨年四十七

雜咏

倚倚南山竹並生凡卉叢歲晏多霜雪見別蕭艾中我欲食鷄雛千歲不一逢留之和律呂截作蠚谷筒一變為清商日暮來悲風清泉溉石根上有白雲封虛心抱靜節知音為誰容不如歸去來一竿釣清澧

和陶淵明擬古 四首

小智多自私大方乃無隅一毫納萬象萬象非卷舒日月為我燭天地為我廬曲士窘拘囚一身無容居我夢登日觀青天入平蕪俯視但一氣二憂彼何如

宋元詩會

卷之六十二

六

存素堂

昔日穆天子侈心窮八荒崑崙入馬蹄蘧廬視明堂王母為之
謠白雲何茫茫憑萬高俯九州塊如螻蟻場歸來越河關萬象
壓崧邱遂令學僊者聞風為激昂漢武千秋露淮南八公方至
今瑤池宴空為後代傷

吾道無緇磷萬古常來茲奈何中智下謂彼不知時與世頗殊
好臂彼澗與淄我欲質所從登高望九疑路逢古漁父長歌滄
浪辭出門異所見退坐還自思當時固殊古古人不我欺翩翩
出林鳥日暮將何之倚檐送歸盡聊欲絃吾詩

西北有佳人樓上拊雲和一鼓別鶴操再弄求鳳歌絃聲幾欲
絕哀響何其多昔為掌中珍今為路傍花壯年不再得華落將
如何

和陶飲酒 三首

鷺鳥閉籠中舉翮觸四隅騏驥駕鹽車跼蹐困中途雖然遭識
拔未免為人驅倘觀信義矣自愧良有餘不如兩無累還我田
園居

幽居淡無事雅志了玄經眼花憎文字悠悠竟無成中夜起不
寐披衣守寒更梅竹散清影素月流廣庭孤鶴悶逸響切切寒
蟲鳴拊卷長歎息慷慨惻中情

漢儒傳注學未為世所得秦火少完書豈免烏馬惑後儒補罅
漏聖道少開塞俗士喜持戈又一秦相國且共歡一觴多言不
如默

白雁

波淨影逾白霜清鳴更哀乾坤雙鬢老風雪一聲來林迴隱猶
見天長去復回物情嫌太潔莫使羽毛摧

寄王學士子端

寄語雪溪王處士年來多病復何如浮雲世態紛紛變秋草人情日日疎李白一杯人影月鄭虔三絕畫詩書情知不得文章力乞與黃華作隱居

靈感寺

徒河岍北白蓮東法鼓驚飛碣石鴻塔上風煙高鳥路山頭雲雲雨化人宮松林礙日蜂房冷石砌頽沙蟻穴空欲盡休公揮塵樂鬢絲羞對落花風

謁北嶽

四大坤儀一羣山太茂尊奠方荒冀宅視禮配天孫西送虞淵暮東瞻碣石瞰寶符臨代郡鐵甕柅并門控趙襟形壯包燕氣象渾九河探禹跡萬里叫虞魂在昔登封始前驅羽衛繁干家

駢部曲萬騎隘山樊卜地恒陽曲移祠泰始元晉移祠曲陽荒碑刊

歲月飛石碣乾坤帝秩加黃屋宮居象紫垣雲楣朽芝瑞雨砌

裂槐根聖錄長桑洞僊巖張果村卜居如何近重整北山轅

春遊

無數飛花送小舟蜻蜒欵立釣絲頭一溪春水闕何事皺作風前萬疊愁

暮歸

貪看孤鳥入重雲不覺青林雨氣昏行過斷橋沙路黑忽從雷影得前村

周昂

字德卿真定人父伯祿字天錫師事玄真先生諸承亮大定初第進士仕至同知沁南節度使事德鄉年二十一擢第釋褐南和簿有異政遷良鄉令入拜監察御史為人所擠竟生詩得罪謫東海上十數年始入翰林言事愈切出

佐三司非所好從宗室承裕軍承裕失利逃走谷衆欲
逕歸德鄉獨不可城陷與其從子嗣明同死于難。按褚
承亮字茂先宋宣和六年登第金兵破真定
拘境內進士試策獨承亮長揖而出帥府甚重之

曉望

曉樹雲重隱春城日半陰
蒼茫塵土眼恍惚歲時心
流落隨南北才華閱古今
柴荆生事窄寧憶二疏金

雨過

雨映高檐過山開晚日明
動雲方潰擁號水未休爭
沙岸龜鼃出荒庭鶴鶴行
草泥沾屐齒搯策有餘清

晚步

鬱鬱孤城隘飄飄絕塞遊
短衣忘遠步高興會清秋
白水深樵谷黃雲古戍樓
居人半裘毳橫管暮生愁

秋夜

高閣鐘初殷層城月未光
淨空含宇大卧斗帶星長
暗覺巢鳥動清聞露菊香
誰家砧杵急應怯暮天涼

宿西藍

聞道西藍好能來定有緣
青山避喬木流水信平田
步屨迷深竹題詩惜暮煙
塵心厭翻倒一室暫安禪

夜步

擊柝隣居靜開門宿鳥驚
西風秋半急北斗夜深明
獨立乾坤大徐行杖履輕
遙憐漢宮闕重露溼金莖

望山中松

地險蟠根古人稀小徑消
雨皴開白雪風響入青霄
未畏斧斤逼惟愁霹靂燒
解鞍那避遠冷色故相招

翠屏口

四首

去歲翠屏下東流看湧波愁將新鬢髮還舊關河健翩翩秋隼
峰高并晚駝草深饒虎跡夜黑欲誰過

地擁河山壯營閑劍甲重馬牛來細路燈火出寒松刁斗方嚴
夜羔裘欲禦各冬可憐天設險不入漢提封

玉帳初鳴鼓金鞍半偃弓傷心看塞水對面隔炎風山去何時
斷雲來本自通不須驚異域曾在版圖中

萬里來崩豁終年氣慘悽地窮青澗斷天近玉繩低勃窣黃沙
北崑崙白雪西故園何處覓搔首意空迷

新秋

畏日經時暑清秋一夕涼真堪近燈火不復病衣裳宋玉悲搖
落安仁愧老蒼鄙夫那及此睡美百憂忘

家園

五畝園連竹三間屋向陽氣和春浩蕩心靜日舒長花鳥成相
識琴書付兩忘陶然一尊酒誰復記羲皇

香山

山林朝市兩茫然紅葉黃花自一川野水起人如有約長松閱
世不知年千篇未暇償詩債一鉢聊從結淨緣欲問安心心已
了手書誰識是生前

宋文貞公廟

開元四荒不動塵柱石中原有老臣襄土一丘松柏暗長安三
日荔枝新

讀陳後山詩

子美神功接混茫人間無路可升堂一斑管內時時見賺得陳
郎兩鬢蒼

趙 渢

字文孺第進士明昌末終于禮部郎中性冲澹學道有得黃山其自號也間問趙公雲黃山正書體兼顏蘓行草備諸家體起放處又似楊凝式當在黃魯直蘇才翁伯仲間
党承旨篆陽水以來一人而已而以黃山配之至今人謂之党趙有黃山集行于世

澗上

遠逕留殘照疎林出小園山川半豺虎歲月且琴尊杜老新雞
柵龐公舊鹿門不才真忝竊人道曲刑存

中秋應制

秋氣平分月正明藥珠宮闕對蓬瀛已驅急雨消殘暑不遣微
雲點太清簾外清風飄桂子夜深涼露滴金莖聖朝不奏霓裳
曲四海謳歌即落聲史舜元嘗從文孺學詩說道陵中秋賞月
陵讀至落句大加賞異手酌金鐘以賜且字之曰文孺以此鍾賜汝作酒直士林榮之漢高祖言吾不如子房君父字呼臣下

不為無故事也

黃山道中

小穀城荒路屈蟠石根寒碧漲秋灣千章木秀黃公廟一點雲
飛白塢山好景落誰詩句裏蹇驢駝我畫圖間膏肓泉石真吾
事莫厭乘閒數往還

晚宿山寺

松門明月佛前燈菴在孤雲最上層犬吠一山秋意靜敲門時
有夜歸僧

過蓀縣董大夫廟

漢朝元不用真儒豈信忠言益帝圖賈誼長沙晁錯死未須獨
恨老江都

劉 昂

宋元詩會

卷之六十一

三

存素堂

字之昂興州人大定十九年進士曾高而下以科名為場屋者七世矣昂天資警悟律賦自成一家輕便巧麗為賦捷法作詩得晚唐體尤工絕句張秦娥者頗能小詩其賦遠山云秋水一抹碧殘霞幾縷紅水窮霞盡處隱隱兩峰其後流落之昂贈詩云遠山句好畫難成柳眼才多總是情今日衰頽人不識倚爐空聽煮茶聲又云二頃山田半欲蕪子孫零落一身孤寒窗昨夜蕭蕭雨紅日花稍入夢無娥為泣下屏山外傳記之昂早得仕年三十省掾考滿受平涼路轉運副使人謂鄉相可坐致矣術士有言之昂官止五品者之昂不信也俄丁母憂為當塗所忌連蹇十年卜居洛陽有薦其才于道陵者泰和初自司業擢左司郎中將大用矣會遼陽口大中欲搖執政賈鉉為言者所劾辭連之昂道陵震怒一時聞人皆譴逐之鉉尋亦罷政之昂降上京留守判官道卒竟如術者之言

醉後

禪僧勸讀傳燈錄道士教行進火功今日興來俱破戒黃花籬

落酒西風

山中雨

嵩高山下逢秋雨破繳遮頭過野橋此景此時誰會得清如窗

下聽芭蕉

即事 二首

雨洗明河画扇收胡牀露冷藥闌秋牆陰未得中庭月一點螢

光草際流

山花山雨相兼落溪水溪雲一樣閒野店無人問春事酒旂風

外鳥關關

宋元詩會卷之六十三

皖桐陳焯默公輯選

後學程仕松臯參較

魏搏霄

字飛卿初用陰補以薦書從事史館明昌中宏詞中選授應奉翰林文字未幾卒飛卿詩以富艷稱如張公子席間賦嵩山筆力豪邁黨承旨許其在劉無黨之上云

田若虛遊龍門寶應用天隨子體賦詩因次其韻

少室右臂禹所斷開排清伊來高寒土肉養石自古秀山腰
流泉無時乾佛髻滴滴染深翠松風颼颼鳴驚湍白傳已矣不
可見予誰從之投歸鞍

王礪

字逸賓先世原家臨洛至逸賓遂為汴梁人博學能文不就科舉孝友天至非其食不食家無甌石之儲宴如也明昌中故相馬吉甫惠迪知開封舉逸賓玉彥功游宗之德行才能逸賓得鹿邑主簿乞致仕彥功以親老調鞏州教官

宗之讓不受三人者雖出處不齊而時人皆以高士目之

次文遠韻

野性唯便閒
寂居蒼苔鳥跡滿
庭書林花過雨紅
猶重籬竹和煙翠
亦疎已與農人成
保社更令兒輩學
耕鋤賞音只有東郊
客日袖新詩到敝廬

雜詩二首

晴日南溪物色饒
草芽新綠凍全消
金絲柳底洲沙沒
數尺流波拍夜橋

漢梁王苑古臺西
秋思紛紛獨杖藜
雲壓高城鴈飛盡
一聲寒角夕陽底

劉濤

字及之夏津人明昌二年同進士用戸部尚書孫鐸薦入翰苑歷太原運副汾州倅入為太子贊善以彰德治中致仕

仕尋卒沁南節度使康瑋良輔葬之林慮之寶巖

宿平遙集福寺

院僻和僧靜
門閒與書長
燕泥朝雨淖蝶
葉晚風香
野興煎詩思
乾愁繞客腸
青奴如解事
供我暮窗涼

送王純叔守曹州

栢路人看御史驄
年來眼落簿書叢
單車乍別金鑿月
五馬頻嘶玉勒風
故國山河連小鄆
舊家雞犬識新豐
遙知別夜詩成處
醉袖淋浪蜜炬紅

路鐸

字宣叔伯達之子與弟和叔父子俱有重名而直叔文最奇尤長於詩精緻溫潤自成一家任臺諫有古直臣風貞祐初出為孟州防禦使城陷投沁水死有虛州居士集得之鄉人劉庭幹家

雨中

月翳有時吐風重俄自清雲迴暑天影雨進夜窗聲眼聽叅天
籟神遊得化城覺來故處饑鼠撼燈檠

汴梁公廨西樓

雲態看來變簷陰坐次移一蟬吟未了雙鳥去何之薄宦槐安
夢浮名劍首炊安心元有法遣興可無詩

七夕與信叔仲荀會飲晚歸有作

秋香馮月笑談香飲散歸來夜未央闕角星河搖淡影柳行燈
火試新涼雄飛勲業歸時輩信義羨江山著漫郎萬事浮雲心鐵
石休將梁國嚇蒙莊

師拓

字無忌平涼人舉進士不中明
昌宗中有司薦其才以嗜酒不果

冬夜

雲破月穿牖夜嚴風號隙客子寢不安寒燈照空壁默然不平
事起坐長太息書但記姓名劍本匹夫敵追奔暮前哲恢張濟
時策何意造物兒重此稻梁役興酣氣益振孤憤遠飄激非無
南山雲高卧養虛寂茹芝酌懸流嘯吟展胸臆達遠不豈不念
且有不暖席此抱與誰知乾坤夜寥闕

遊同樂園

晴日明華構繁陰蕩綠波蓬丘滄海遠春色上林多流水時雖
逝遷鶯暖自歌可憐懽樂極鉦鼓散雲和

郡城南郭早望

曉立回塘上何人逸興同柳濃天霽雨萍圻岸含風鳥影明蒼
靄湖光倒碧空秦川何日到解髮濯清澧

中元後二日

暑謝涼生際庭虛雨過時
天長雲斷續風急樹離披
世態貧逾薄秋光老易悲
燕城寒事早還與舊貂期

鄺權

字元輿安人陽人作詩有筆力父瓊金初有功仕至武寧軍節度使元輿以門資叙官不達朝議高其才明昌初以著作郎召之未幾卒一有坡軒集行於世

竹林寺矮松

蒼煙靄山曲回溪抱修筠
中藏古佛宮荒僻無四鄰
靈松插殿角偃蹇今幾春
何年霹靂雨投石搜瀹鱗
謫重飛舉難墮此蜿蜓
身聯拳縮瓜股氣屈不得伸
卧枝老無力支撐藉樵薪
無風自悲吟失水固不神
安論才不才禍福了已分
南山聳千嶂直幹排風雲
正以中繩墨中道遭斧斤
豈知無用資千歲保其身

西遊

茅店雞聲外柴車犬吠間
疎星涵積水殘月墮昏山
好夢人在秋風我獨還
梨園有名酒聊此慰間關

七夕

縹緲針樓外天教彩羽過
步雲榆送影拂月桂交柯
繡縷紫芳袂瓜蓮得巧梭
常娥如解妒還與試斜河

留仲澤

朝初猶溼紫宸霞暫輟旌旂
擁使華馳馬彎弓真將種
載書囊筆自名家江河萬里
春回鴈燕趙千林月滿花
明日升沈便霄壤更留玉樹
倚蒹葭

寄唐州幕官劉無黨

白髮青衫宦苦卑邊荒誰識
鳳麟姿河書落魄高書記
劍外清貧杜拾遺紫玉山高
傳楚夢蠙珠淵靜照黃陂
禁中頗牧他年

事先遣江淮草木知

楊雲翼

字之義樂平人以明昌五年登經義進士第一人詞賦亦中乙科天資穎發博通經傳至於天文律曆醫卜之學無不臻極事母孝與人友款曲周密處事詳雅而能以大節自任南渡後二十年與禮部間開公代掌文柄時人號楊趙而公以後輩自處不敢當也宣宗頻歲南伐事勢有決不可者論議之際時相多以避嫌不敢言公獨直言極諫以為兩淮生靈皆陛下赤子不^能外禦北兵而取償於宋以天下為度者不如是也後再出兵時金一軍幾為宋人所覆宣宗悔悟責主兵者曰我當何面目見楊雲翼也興定未拜吏部尚書中外望其旦暮入相竟以足疾不果正大五年八月終於翰林學士年五十九諡曰文獻子恕字誠之第進士

大秦寺

寺廢基空在人歸地自閒綠苔昏碧瓦白堦應青山暗谷行雲度蒼煙獨鳥還喚回塵土夢聊此弄澄灣

煙雨

涼氣先秋至重陰接望梅迷有無山遠近濃澹樹高低鳥雀枝間露牛羊舍北泥支頤政愁絕風雨過前溪

候右丞雲溪

功成何許覓菟裘天地雲溪一釣舟夢破煩襟濯明月詩成醉耳枕寒流西風歸興隨黃鵠皎日盟言信白鷗政恐蒼生未忘在草堂才得畫中遊

光林寺

煙浮霜堦閉禪關今落先生杖履閒碧水同來弄明月黃塵不解汗青山因緣多自成三宿物我終同付八還欲識光林全體露松花落盡嶺雲閒

謾興

乍寒簾幙一燈青從吏羈情爾許情葉擁西風秋有思天垂北

斗夜無聲吟蒼遠夢家千里過鴈連愁四月更寄語黃華耐岑
寂好看霜葉到歸程

李純甫

字之純弘州人承安間進士仕至尚書右司都事三十歲
後編觀佛書能悉其精微既而取道學書讀之著一書合
三家為一就伊州川橫渠晦菴諸人所得者而商略
之毫髮不相貸且恨不同時與相詰難也

灞陵風雪

君不見浣花老人醉歸圖熊兒捉轡驥子扶又不見玉川先生
一絕句健倒莓苔三四五蹇驢駝著盡詩仙短策長鞭似有緣
政在灞陵風雪裏管是襄陽孟浩然官家放歌殊不惡蹇驢大
勝揚州鶴莫愛東華門外軟紅塵席帽烏鞞老脚人

怪松謠

阿誰栽汝來幾時輪困擁腫蒼虬姿鱗皴百怪雄牙髭拏空天

矯蟠枯枝疑是秘魔巖中老慵物早火燒天鞭不出睡中失却
照海珠差入黃泉蛻其骨石鉗沙錮汗且僵埋頭卧角政摧藏
試與摩挲定何似怒我振觸鬚鬚張壯士囚縛不得住神物世
間無著處隄防夜半雷破山尾血淋漓飛却去

史肅

字舜元本京兆人僑居北京之和衆幼孤養於外家天資
挺特高才博學作詩精緻有理尤善用事古賦亦奇峭工
于字畫業科舉為名進士立朝為才大夫優于政事所至
有聲吏畏而安之累以廉陞歷未縣及幕官入為監察御
史遷治書出刺通州大中黨獄起為所註誤謫靜難軍節
度副使大安初召為中都路轉運副史超戶部正郎復坐
鐫降同知汾州事卒官

別張信夫

破壘殘星沒寒城曉角孤天低雲錯莫野曠雪模糊小市千錢
米征人丈八及邊愁故未已不敢恨長途

物化

物化能忘我天遊不用心
羶香羣蟻聚樹靜一蟬吟
敗井勞汲汲荒庭闕近尋
枕書聊假息夕日半牆陰

北潭

竹陰松影玉蔥籠十里平堤
一徑通碧水乍開新鏡面
青山都是好屏風寒蟬高鳥
清愁外折葦枯荷小景中
酒力未多秋興逸夕陽聊貸
半林紅

早出道花

朝來對酒不能觴看盡西風
去鳥行山好未忘三日雅詩
窮羸得一秋忙彊顏紅葉自
由舞野性黃花無賴香多謝
殷勤暮雲影更留淡墨寫溪
光

蕭貢

字真卿咸陽人唐太傅真十七代孫博學能文不減前輩
蔡正甫大定二十二年進士自涇州觀察判官召補省掾
不四五拜監察御史累遷右司郎中預修泰和律令歷
大興同尹德州防禦使同知大名府事陝西路轉運使
河東北路按察轉運使靜難軍節度使事陝南京都轉運
使御史中丞以戶部尚書致仕年六十六終于家諡曰文簡

古采蓮曲

洋洋長江水渺渺漲平湖田田青
茄荷艷艷紅芙蓉酣斜日
外苒苒涼風餘舊舊誰家子
裊裊二八初兩兩并輕舟
笑笑相招呼悠悠波上鴛
潑潑蒲中魚采采不盈手
依依欲何如

漢歌

華陰雙璧傳山鬼報道明年
祖龍死草間豪傑伺天時
攘袖撫衿爭欲起叢祠篝火
妖狐語夥涉為王張大楚
南公舊有三戶謠東井新看
五星聚中原茫茫走秦鹿
天遣沛公興白屋大蛇斬
斷素靈跡蚩尤祭羅罷朱
旂轟竭來扶義入關中思
結人心

帝道隆秦法煩苛猶一洗項王慄悍何勞攻三傑相須力人紀四
老仍來安太子已令陸賈說詩書更詔孫通制儀禮何翁著手
規摹遠獨恨兒孫讀城旦王純霸雜寧不知不是不知知已晚

按部道中

寒城睥睨挿山隅秋半霜風塞草枯月轉樵樓天未曉角聲吹

散小單于馬定國鄴州城西亦
有此未句當是偶同

龐鑄

字才卿大興人家世貴顯明昌五年進士風流文采為
時輩所推字畫亦有蘊藉仕至京兆運使自號默翁

田器之燕子圖

器之自叙云明昌丙辰子從軍塞外合鹵里山野舍荒
涼難以狀言春末有雙燕亦巢此屋土人不之識屢欲
捕之予曲為全護此燕書出夜歸予必開戶待之忽一
日飛止坐隅都無驚畏巧語移時不去予始悟明日秋
社此鳥當歸殆留別語也因作一詩贈之云幾年塞外
歷崎危誰謂鳥衣亦此飛朝向蘆陂知有為暮投茅舍

重相依君憐我處頻迎語我憶君時不掩扉明日西風
悲鼓角君應先去我何歸此詩以細字寫之為蠟丸繫
之燕足上明年四月予受代歸又一年泰和甲子任洛
州觀察判官四月十二日偶坐解舍之舍翠堂忽雙燕
至一飛簷戶間一贈詩者也因請同年龐君才卿畫為圖
知此鳥益往年贈詩者也因請同年龐君才卿畫為圖
求諸公賦詩器之姓田名琢雲翔人
明昌五年進士仕至山東路宣撫使

田君才略燕雲客少年累有安邊策悔從筆硯取功名直要橫
馳沙漠北塞垣春雪白皚皚東風未放玄陰開鳥衣之國定何
許一雙燕子能飛來三年驛舍安安西道眼底鶯花無夢到忽
見低飛入短簷此身似向邯鄲覺君居海東我中原相逢乃在
穹廬前天涯流落俱為客感時念遠空潛然長安何限高高閣
晝夜風閒開翠幕底事猜嫌不往依甘從此地風沙惡土人嗜
肉無仁心一生弋獵誇從禽有巢幸穩勿浪出汝身未必輕干
金朝來暮去益押昵物我相忘情意一但怪重裘積漸添元是

西風催社日須知心巧惟鷓鴣忽來生隅如告辭我方留寓未
 歸得為君忍賦傷心詩詩成自述聊為戲繫足封之亦無意燕
 已歸飛我未歸刁斗聲中忽驚歲旋頭夜落妖氛收嫖姚獻凱
 歸神州玉闕早喜班超入北海不聞蘇武留君才經世寧終枉
 幕府須賢來上堂別後歸期兩及瓜人間秋燕十來往沈沈官
 舍紅芳稀葛衣燕居澹忘機聞忽聞巧語入簷戶大似相識來
 相依一飛簷外窺庭樹一上并山驚不去解足分明得帛書真
 是當年留別句天生萬物禽最微固耶隅耶吾不知古道益遠
 交情醜朝恩暮怨雲遷移當時握手悲別離一旦富貴棄如遺
 聞子燕歌應自疑慎無示之嗔我譏

王良臣

字大用潞人承安五年進士作詩以敏捷稱又於內典有所
 所得入翰林與李欽叔善從軍南征欽叔亦與行道中酬

唱甚多有詩云蒼花冉冉蜜脾香禾穗纍纍鵲眼黃一縷
 晚煙吹不去為誰著意護秋霜欽叔愛之興定初自請北
 行沒于軍中贈孟州防禦使

九月七日飲

紫霞零落帶孤禽平楚蒼蒼秋意淡月過初三半梳玉菊迎重
 九滿籬金天憐病骨商量暖雲促歸程會計陰風鴈飛來更瀟
 灑一枝蘆雪印波心

雜詩二首

老子平生酷愛閒天教行處得禪關粥魚敲落簷頭月猶在梅
 花醉夢間
 殘陽收拾弟兄行揀得機心不到鄉安置小奴今夜夢蘆花風
 細月如霜

高廷玉

字獻臣恩州人大定未進士章宗衛王朝甚有特名為人
 豪爽尚氣節一時名士多歸之貞祐初自左右司郎官出
 為河南治中與知府復興為安撫副使懼獻臣謀已乃以造
 使驛阻絕復興為安撫副使懼獻臣謀已乃以造逆誣之
 獻臣就逮龐才卿雷希顏王士衡辛敬之皆被羅織幾有
 一網之禍比救至獻臣疾死矣獻臣多作詩賦海中牛頭
 云鑿開混沌寔闖出
 神農首人多稱道之

天津橋同李之純待月

駭鷺追散仙乘槎抵銀潢跳上玉龍背抱得銀蟾光素娥愁不
 歸再拜捧瑤觴問以天上事玉色儼以莊爾能為我歌白雪我
 亦為爾搗玄黃霜不然借我廣寒殿與爾長作無何鄉倘有謫
 仙人拍手笑我狂天風忽吹散人月兩茫茫

飛山怨

漢家自有飛將軍軍中駭嘆箭有神一朝乃與獄吏對惜無千
 金書牘背手把屬鏤口銜須髻天者三我何辜伊吾壯志長已

矣不得提攜玉龍死可憐休唱白浮鳩至今秦人悲杜郵

道出平州寒食憶家

柳色方濃別玉京程程又值石龜城山重水復人千里月苦風
 酸鴈一聲上國春風桃葉渡東陽寒食杏花飴楚魂蜀魄偏相
 妒兩地悠悠寄此情

柳絮

斷送春歸去紛飛不暫停和風三徑雪微雨一池萍蝶惹依芳
 草蜂沾過小庭靜宜投隙地狂欲攬青冥得得穿朱戶時時撲
 翠屏黃鶯枝上語似與新飄零

李適

字平甫藥城人明昌二年進士高才博學無所不通為人
 滑稽多智而不欲表表自見工画山水得前輩不傳之妙
 龍虎亦入妙品
 然皆其餘事也

使高麗

去國五千里馬頭猶向東
宦情蕉葉鹿世味蓼心蟲
倦枕三更夢征衫八月風
山川秋滿眼歸思寄孤鴻

江村

陸地無根客江村有髮僧
兩盂殘喘粥一寸苦吟燈

送窮

昔年曾作送窮詩結柳齋糧擬退之
送去還來因復語君家猶有讀書規

馮延登

字子駿吉州人承安二年進士令寧邊日適開間公守此州與之考論文義相得甚歡故子駿詩文皆有律度正大未奉命北使見留使招鳳翔不從欲殺者久之割其鬚鬣中投井

宿三家寺

老栢蒼蒼纏老藤招提牢落有殘僧
瞑禽自入藏經閣饑鼠時窺照佛燈
未得安心如北秀却思覓法逐南能
濛濛雨暗門前路更得雲房一曲肱

寄笏青柯平

飛雪驚沙捲屋茅清寒滌水透綈袍
松風度徑江聲遠蘿月當軒扇影高
敢對名山談世事不妨空腹貯離騷
且將手版牢藏起政恐山人識馬曹

華清故宮

寵貴羊羔退曲江華清霧閣對雲窗
層巒未了霓裳舞遷客俄驚羯鼓腔
簷際疎星疑曉鏡天邊晴樹認高幢
遊人尚喜風流在白石涵波阜莢雙

高憲

字仲常遼東人黃華之甥幼學于外家故詩筆字畫俱有
舅氏之風天資穎悟博學彊記在太學中諸人莫敢與抗
泰和三年乙科登第自言與世味
澹無所好惟生死文字間而已

寄李天英

稻桔蒼蒼陂已枯西風剪剪弄楸梧
蒹葭水落魚梁迴蟋蟀聲
高山驛孤社甕新成元亮酒并刀
細落季膺鱸作詩遠寄霜前
鴈人在海東天一隅

趙元

字宜之定襄人經童出身舉進士不中
以年及調鞏西簿
未幾失明自少日博通書傳作詩有規矩
泰和以後有詩
名河東李屏山為賦愚軒有落筆突兀
無黃初之句愚軒
宜之自號也愚軒集中無甚好句因金源人
其推之勉存
一二其膾炙人口者如鄰婦
哭等詩意亦淺近不足錄也

書懷

懶退無心廩與庖願攜諸子劇山
礲閒消白日醒吟醉猛省浮
生夢幻泡窈窕雲山三兔屈漂搖
風樹一鳩巢聯名便入村家
社莫認公鄉是故交

早發寶應龍門道中有感

山僧送客客行東迴首雲寮夢寐中
人語呶呶村店火帽簷敲
側石門風伊川遠映春冰綠少頂
先攬曉日紅為問年來幾還
往只應鳥鵲識衰翁

密國公璫

字子瑜興陵之孫越王之長子百年
以來宗室中第一流
人也少日學詩于朱臣觀學書于任
君謨遂有出藍之譽
文筆亦委曲能道所欲言朝臣自
閒閒公楊禮部雷御史
而下皆推重之賦資雅重薄于世
味好賢樂善寒士有不
能及者所居有櫛軒又有如庵自
號櫛軒老人
其詩號如庵小蒼園城中以疾薨
時年六十一

老境

老境唯禪况幽居似寶坊酒盃盛硯水經卷貯詩囊懶甚書彌少閒多夢自長不知何處雨徑作夜來涼

王生以秋騷見示謝之

三年京國與君遊每恨知君尚未周始露雄文凌楚些又登長陌佩吳鉤燈殘茅店雞催曉霜落金風鴈喚秋後夜文星出西洛仲宣知在水南樓

思歸

四時唯覺漏聲長幾度吟殘蠟燭缸驚夢故人風動竹催春羯鼓雨敲窗新詩談淡似鶯黃酒歸思濃如鴨綠江遙望翠雲亭下水滿陂青草鷺鷥雙

秋晚出郭閒遊

塵中俗事海漫漫暫出城闈借眼寬沙麓去邊羣小牧小野雲

平處一鷗盤殘荷露水秋光晚衰柳搖風古渡寒此幅大年橫景画魯罔圖上似曾看

自題寫真

枯木寒灰久亦神因緣來現昨公身只緣酷愛車東坡老人道前身趙德麟

榜軒嘗封昨國公

書龍德公入景亭

刻楠朱楹墮紺紗裙腰草色趨堦斜誰知剝落亭中石曾聽宣和玉樹花

梁園

一十八里汴堤柳三十六橋梁苑花縱使風光都似舊北人見了也思家

王特起

字正之代州崞縣人泰和三年進士調真定府錄事參軍有惠政改令沁源遷司竹監使廷議欲以館職召試會卒特起好學善議論音樂枝藝無所不能其遊華山詩最為趙間間所賞

漫作

有時幽鳥話心事無限秋蟲誇口才北闕上書我老矣東籬把菊思悠哉竹林留得巨源在蓮社招入淵明來不然餘子敗人意懷抱耿耿胡為開

華山絕句

三峰盤地軸一水落天紳造化無遺巧丹青總失真

馮璧

字叔獻別字天粹承安二年進士歷州縣召入翰林再為曹郎宣宗朝屢以使指鞫大獄權貴如歸德知府宿州總帥聲勢焯焯朝廷知其跌扈而不能推伏者叔獻以法臨之毫髮不貸也幼有重名就所長論之館閣臺諫與賓客之言乃其選也徒以小心奉法不畏彊禦故屢以城旦書屈之識者有用違其長之歎興陵末以同知集慶軍節度使

事致仕居崧山龍潭者十餘年諸生從之遊與四方問遺者不絕賦詩飲酒放浪山水間人望以為神仙焉年七十

九終於家

雨後看竝王所控諸峰

竝玉如高人壁立九千仞一日不見之令人生鄙吝春深木葉敷秀色益濡潤結茅寄僧藍晴碧時得趣老宿詫孫峰隅侍到韶甌連延青一色枚數須諦認溟濛空翠間我亦疑未信朝來雲氣昏埋沒瑜與瑾如蒼梧政愁湘妃鬱思舜重陰俄解駁靈澗夕暉襯娟娟忽層出歷歷分遠近雲峰互吞吐千狀纔一瞬出奇如孫吳相降如廉藺如象星拱辰如侯伯入覲接武如朋簪承迎如价債負固如吳楚爭長如齊晉怪詭如波斯駢羅貢琛贖窘蹙如擒獲係纍將就囂如應龍神靈蟄卧時奮迅如天駟超軼坳收稅羈勒如勁敵改容失箸駭疾震如猛士無譁

攢梨俊巖陣獨兩峰巍然魁傑儼崇峻光輔岳柱天鬱為中興
鎮降生申及甫周室債復振詩傳配崧高百世磨不磷

和希顏

虎守天門未易通庾塵無扇障西風主人何負盜憎主公論不
明私害公老伏固非千里驥冥飛似是五噫鴻紛紛往事渠知
幾都付崧巔一笑中

雒帥覓蘭作詩以寄

雲挿高牙画戟新春移寶檻燕堂淡水南紅藥初退舍嵩麓紫
蘭今嗣音繭足賴扇坐香累高梁華柱豈渠心使君有問花應
語玉樹誠佳非故林

明皇擊梧桐圖

三郎耳語起花奴風調才情信有餘天寶錯來非一拍霓裳中

節亦區區

習池醉歸圖

襄漢方屯十萬兵習池日往不曾醒紛紛誤晉皆渠輩何獨王
家一寧馨

王若虛

字從之棗城人承安三年經義進士師其舅周德鄉及劉
正甫得其論義為多博學彊記誦古詩至萬餘首他文稱
是善持論李屏山杯酒間談鋒起時人萬莫能抗從人
之能以三數語空之使喋不得語甚為名流所推釋褐
州錄事歷門山令入翰林自應奉轉直學士居冷局十五
年崔立之變羣小獻諂為立起功德碑以都堂命召從之
從之外若遜辭而寔欲以死守之時議稱焉北渡後居鄉
里癸卯三月東遊與劉文季輩登泰山憩於黃峴峰之萃
羨亭談笑而
化時年七十

贈王士衡

王生非狂者乃以善哭稱每至欲悲時不聞醉與醒音詞初惻

中言會
卷之六十一
五
鈔本
愴涕泗隨縱橫問之無所言坐客笑且驚王生不暇卽若出諸
其誠嗟我與生友此意猶未明絲染動墨悲麟亡傷孔情韓哀
峻嶺陟阮感窮途行涕流賈太傅音抗唐衢生古來哭者多其
哭非無名生其偶然歟何苦摧形神如其果有為為爾同發聲
貧士嘆

甑無塵甑無粟北風蕭蕭吹破屋入門四顧何淒涼稚子低眉
老妻哭世無曾子敬郭元振之真丈夫故應餓死填坑谷蒼天
生我亦何意蓋世虛名食不足爭如只使冗且愚大腹便便飽
梁肉

病中

學道今何得謀生久不成藍衫幾棄物絳帳亦虛名事拙應天
意交疎卽世情煩憂時自解感觸又還生

題淵明歸去來圖 二首

孤雲出岫暮鴻飛去住悠然兩不疑我自欲歸歸便了何須更
說世相遺
拋却微官百事由應無一事挂心頭銷憂更藉琴書力借閒生
先生有底憂

還家 二首

山杏溪桃化棘榛舞臺歌榭墮灰塵春來底事堪行處門外流
鶯枉喚人

回思夢裏繁華事幸及當年樂此身閒立斜陽看見戲憐渠虛
作太平人

麻九疇

字知幾莫州人三歲識字七歲能草書作大字有及數尺
者故所至有神童之目章宗召見問汝入宮殿中亦懼怯

否對曰君臣父子也子寧懼父耶上大奇之興定未府試
經義第一詞賦第二省試亦然簾試以脫誤下第知幾先
有才名又連中甲選遠近想望風采雖牛童馬走亦能道
麻九疇姓名正大三年石相侯蕭公趙禮部連章薦知幾
可試餘館職乃賜盧亞榜第二甲第一人及第授太祝權
太常博士應奉翰林文字知幾天資野逸高騫自便與人
交一語不相合則逕去不返顧自
度終不能與世合未幾謝病去

賦伯王透光鏡

太陰淪魄元不耀太陽分光成二曜嗚呼怪銅盜此幻透影在
壁與背肖奩開燿燿光走庭劃如剗犀乍脫鞘泓澄秋落百丈
潭疑有龍向天門跳秦娃漢婉化駕土寵雨思雲埋鳳詔當年
椒塗鑑桃李身後泉臺映蓬藿枕筆無情草木香笙歌不暖梟
狐嘯鬪髀一醜不再妍不知持此將安照萬斛珠璣委備人喚
得偷兒成鬼剽借問金槌一控時何如海上青蠅弔壽如金石
佳且好此銘此篆兩奇峭今誰子後曩誰先贏得鈿樞經蟻竅
千古繁華一夢醒恍然入手稱神妙丹砂變紫翠羽青萬金難
買人年少君侯新自落陽來玉臺人物今溫嶠相看大笑古人
癡收鏡入奩還自笑

竹癭冠為李道人賦

東方有物字豐隆以鳴為職驅羣聳萬頭澌澌囚凍窟欲出不
出愁天公迴寒作暖出一噫黑帝不敢藏昆蟲所以獨為六字
長揮斤元氣周神功車轟鼓震頃萬里六甲雲風隨喚起四陰
用事合收聲猶奮狂陽鳴不已號令非時遭物玩草木不凋花
再蕾惱得司秋訢帝閭漏泄機緘法當死天公大怪下桎梏推
落車中墮巖谷非程非馬亦非人化作蒼筤一枝竹勁氣剛風
難遽銷夜聞風雨猶蕭蕭聳身直上三千尺天公又怪千雲霄
鬼壓神縛不聽出只見白雲鎖三日雲散惟餘青屈盤頤隱於

齊變仙質道人真是萬物盜斫取為冠就天巧秋霜爭取上頭
顱常與春風同醉倒此冠固奇惜未大有冠獨在方之外日月
為藤織四時煙震為籜綿千載天潢絕漢梁虛碧北斗旋衡簪
沆漑不隨脂粉侶狡狴不逐風霜陪獬豸一任旋乾復轉坤頭
上峩峩終古在欲作檀那施此冠不識先生若為戴

梁山宮圖

梁山宮高高切雲秦家蕭鼓空中聞宮殿作雲王作龍何人敢
謁瀉池君珠圍翠繞窮天下道上行人衣半赭不覺生靈血液
枯化為宮上鴛鴦瓦朝盧生春暮侯生師事二人學羨門焉知
以政藏其身神仙亦死何曾神空能詐取六孱國不識盧生真
間客種成間隙盧生去尚令道士作鬼語祖龍竟墮此機中以
璧見欺猶未悟魚腥引得扛鼎來梁山火滅漢旂開何如後世

丹青手一夫不殺千樓臺梁山之圖却傳世梁山之宮安在哉

陽夏何正卿作疊語四句未成章予復以疊語寄之凡四
變

緼緼蠢蠢何等民矯矯亢亢內守貞昂昂藏藏獨異俗落落莫
莫不厭貧歸與歸與且餬口鳳兮鳳兮德衰久樂云樂云無絃
琴命乎命乎一杯酒匪鱸匪鮓故為臧避言避世必也狂至大
至剛秣吾馬爰清爰淨循我磨用之捨之時所係晉如推如寧
復計暖然淒然任春秋優哉游哉聊卒歲

秋望

雲氣東南壯風煙正北長遠人投屋小寒草帶城荒馴鴨便秋
潦饑牛背夕陽閒情儘堪畫未要雨浪浪

手植檜印章

梁折山推入小成日華留得寸暉明不盈一握空蟲篆未喪斯
文麤姓名草木西周朝有暮圖書東觀死猶生二千年後司封
紐未信裁時出此情

秋懷

昨夜新涼御褐裘一番節物弄清愁月懸雙杵若為夜人在一
隅偏覺秋敗葉只能驚画扇啼螢終不到朱樓還鄉夢斷寒衾
曉依舊雲山是蔡州

李道人家山圖

見說高齋住太行溪山襟帶古祠堂圭桐葉落周家雨鐵樹根
盤晉國霜烽火不堪耕夜月画圖猶可挂殘陽自憐不及汾州
鴈春去秋來過石梁

牛歎

誰憐宿料一生無身後仍遭金十奴帷蓋却教蒙狗馬不知何
事負農夫

清明

村村榆火碧煙新拜掃歸來第四辰城裏看家多白髮遊春總
是少年人

紅梅

一種冰魂物已尤朱唇點綴更風流歲寒未許東風管澹抹濃
粧得自由

劉從益

字雲卿南山翁搗之曾孫大安元年進士拜監察御史坐
與當路者辯曲直得罪去久之起為葉縣令未幾被召百
姓詣臺乞留不聽入授應奉翰林
文字踰月以疾卒時年四十四

過尉氏懷阮籍

朝來國門遊暮抵蓬池宿有懷阮步兵豪氣無檢束嘯歌陟高
臺長風振林木老眼何曾青四海無一物萬古留詩名九原銷
醉骨居然方丈家惜也微瑕玉塗窮道不窮先生安用哭

清和即事

一度清明了一年溫風嫋嫋雨班班幾家繡幃尋芳去何處蹇
驢馱醉還宿草新墳驚世短落花流水占春閒曉鶯啼破松窗
夢缺月東來挂屋山

次韻三弟贈南菴老人

一菴盤礴勝巢仙不入叢林恰是禪花園蓮塘閒即景粥盂齋
鉢老隨緣忘言已了八千偈適意更揮三兩絃邂逅我來推不
去坐分一半好風煙

宋九嘉

字飛鄉夏人黃裳榜進士乙科歷藍田高陵扶風三水四
縣令皆有能聲入為右警巡使應奉翰林文字正大中病
失音廢居歿
于癸巳之禍

留別孫俊民姚公茂

草根殘日射離觴主席風生熱肺腸此去兜零紅照夜輸君吹
笛傍糟牀公茂此時固已知名於金矣
詩不佳因其別公茂也存之

酴醿菊

酴醿風味醺人醉著莫東籬愛酒翁一夜金英全換骨冷香晴

雪滿秋風

雷淵

字希顏別字季默同知北京路轉運使事思之季子崇慶
二年黃裳榜進士甲科釋褐涇州錄事徐州觀察判官召
為荆王府文學兼記室參軍轉應奉翰林文字同知制誥
兼國史院編修官拜監察御史以公事免用宰相候莘鄉
薦除太學博士還應
奉終于翰林修撰

會善寺松

物生自有常怪特物之病嗟嗟此老蒼磊磊生魁柄侏儒感感
 髀股宿瘤擁腮頸蜿蜒蛟龍戲騰擲驅虎競須髯喜張磔意氣
 怒狂迸匠石求枿振節目足譏評芻蕘急薪樵堅悍空眈瞪靜
 言觀倚伏未易相弔慶雖違時世用顧免斤斧橫陽秋莫榮悴
 歲月何究竟盤盤曲則全挺挺獨也正小草誤埽迹伏神還守
 性儻隨天中景廣宇共麻映

讀孔北海傳

漢室風流絕建安老瞞父子力排山可憐魯國真男子也著區
 區七子間

宋元詩會卷之六十四

晚桐陳焯然公輯選

後學程仕松臯參較

金詩附

李獻能

字欽叔河中人年二十一以省元賜第廷試第一人宏詞
 優等授應奉翰林文字在翰苑凡十年出為鄜州觀察判
 官用薦者復應奉俄遷修撰以鎮南軍節度副使充河中
 經歷正八年河中陷獨得一船走陝州被召以道梗不
 能赴就權陝府行省左
 右司郎中軍變遇禍

夜宿虛皇閣下

倚天青壁截雲霞一水高懸界削瓜不惜玲竈攀石磴要看絢
 爛圻雲華玉峰影裏虛皇閣鐵笛聲中祕監家明日川塗入塵
 土却應平地幾襄斜

上清宮梅同座主閒閒公賦

宋元詩會

卷之六十四

厭住盧家白玉堂琳宮瀟灑占年芳先生琪樹風霜古影占銀
滿月露涼物外根根本仙種世間紅紫避巖粧遨頭詞伯今何
遜一笑詩成字字香

送獵口號 二首

蓮燭金紗簇簇齊宮槐龍曉尚淒迷景陽鐘罷聽殘漏萬馬銜
霜不敢嘶

閭闔傳符啓九閔一聲清蹕駐南山虎賁先導三千士天馬初
離十二閑

王渥

字仲澤以字行興定二年進士調管州司候不赴壽州防
禦使邦獻商州防禦使國器武勝節度使庭玉愛其才連
辟三府經歷官在軍中凡十年舉寧陵令未赴丁母夫人
憂廬墓三年服除復授寧陵正大年七年金國與宋議和擇
可為行人者仲澤以才選凡再至揚州制司宋人愛其才
有中州豪士之目使還以寧陵課最遷一官入為尚書省

掾三月即授太學助教充樞密院經歷官
年院廢權右司郎中中牟失利不知所終

有寄
十年鐵馬暗京華客子飄零處處家征雁久疎河朔信小梅重
見汝南花棲棲活計依簷雀冉冉年光赴壑蛇舊雨故人應念
我不來聯句夜煎茶

寄交京父

憶昔相從在寢丘城南城北縱歡遊杏花聯句香隨馬野水添
杯浪拍舟邂逅又從三月別飄零合負一春愁汝陽淮甸經行
徧應有新詩為我留

被檄再至揚州制司驛亭有題詩譏予和事不成者云來
徃二年無一事青山也解笑行人因為解朝

二年奔走道途間知被青山笑徃還只向江南南岼老行人應

更笑青山

冀禹錫

字京父龍山人崇慶二年進士調沈丘簿與縣令不相能及令以賦敗疑京父發之乃路遺權貴誣京父以賓客依託之事坐廢十年正大中當路諸公極力辨其被誣乃得用常調守扶風丞召補省掾不就歸德奏充知事及城被攻京父為經歷官守禦之策一府倚重之車駕至投左右司都事兼應奉翰林父字官奴之變家人勸京父羸羸服免禍不從人有自外至者京父問賊人入禁中否曰禁中賊滿矣乃自投水中

僧房

上方樓觀袂衣寒霜後川原眼界寬我是禪房未歸客阿師休作長官看

張建

字吉甫蒲城人明昌中初舉才行授絳州教官召為宮教應奉翰林文字以老乞身道陵愛其淳素不欲令去左右眷眷久之起同知華州防禦使事仍賜詩有從今畫錦蓮峰下三樂休誇榮啓期之句士林榮之吉甫自號蘭泉老

人有集行于世

擬古四首

客從岳頂來貽我松粉黃為言服之久身輕欲飛翔我嘗淡無味我嗅寂無香還君三太息世好方膏梁

枯桑依頽垣摧折生理微剝我枝間葉備君身上衣葉盡誰復顧棲鳥亦來稀君看牡丹叢日日笙歌圍

庭前蘭蕙窠三年種不成門外早蒺藜一旦還自生第恐傷我足鋤去根與萌如何一雨後走蔓復縱橫

有客曳長裾袖刺謁高閣低頭拜閣者始得通姓名主人果厚眷開宴海陸并顧必承彼顏語必順彼情不如茅簷下飽我藜

藿美

送張子玉

宗元詩會

卷之六十四

三

存素堂

渭水玻璃碧秦山劍戟明秋光如我瘦行色與君清蟬鳴西風
柳鴉翻落日城歸舟幸無物且莫苦貪程

毛·麾

字牧達平陽人大定十六年學舉學行特賜進士出身授
拔書郎入教宮掖歷太常博士終于同知沁州軍州事有
平水集
行于世

魏城馬南瑞以異香見貽且索詩為賦

二卉真香豈復加便宜編諳入雄誇留殘一點薔薇水幻出諸
天蒼菊花佩帶正垂金鈿小薰爐孤起翠雲斜金籠甲帳豪華
事慚愧桑樞甕牖家

春賞

潤土梅天雨乍晴喚回春意有新鶯雲霞照眼青山近羅綺吹
香白晝明翠勺銀罌沽酒市暖風遲日賣花聲人人共喜華胥

世何用鼈頭羨錦城

王琢

字器之平陽人與毛牧達同時相友善天性孝友為鄉里
所稱酷嗜讀書往往手自抄寫家素貧乏而能以剛介自
持未嘗有所丐貸時命不偶年四十五以
病卒士論惜之有姑汙漫士集行于世

癸酉歲大熱

似動不動雲蒸空欲雨未雨天無風時時日脚蹴雲破一射萬
土紅爐中纖絺挂體劇重鎧大屋僅可為樊籠積水為丘坐自
潰輕箠况得微涼通山林亦聞有暍死城市偏側宜無容雖然
一氣播常令頓作駭異疑非公曾聞天南有祝融出入毒霧騎
雙龍自從鼎去昧神怪無乃煽雲行心胸手搖斗柄酌炎海力
逐燂怒乘離宮喜為鬱蒸怒為火流燂金石乾河洪熾昌自欲
弄朱夏驕蹇未肯官炎農煙霞灼灼燥昏曉鳥獸喘喘茫西東

此而不制滿三伏遂恐百物隨枯蓬大白之兵攢萬峰銀河之浪滔無窮可洗虐焰夷姦凶我欲呼懇煩神功耽耽九席天關重

王元節

字子元弘州人祖山甫遼戶部侍郎父誦海陵朝左司員外郎子元壻于南山翁傳其賦學第進士雅尚氣節不能從俗俯仰故仕不達既罷密州觀察判官即間居鄉里以詩酒自娛號遊齋老人年五十餘卒

古鎮道中

秀拔諸峰鎮海墩海水氣兩昏昏鷗飛翠竹白沙地人宿黃魚紫蟹村向背雲山行處路淺深潮浦漲來痕同遊幸有能詩客不倦躋攀到石門

青塚

環珮魂歸青塚月琵琶聲斷黑山秋漢家多少征西將泉下相逢也合羞

段繼昌

字子新白水人自號適安居士家甚貧而世間事皆不挂口有以錢遺之者必盡送酒家一日天苦寒人有遺之酒者飲不盡而醉夜半忽驚用衣衾覆酒缸僵卧榻上人為言酒自不冰而先生將不為寒所病乎子新笑曰人病尚可他適病不可療也其好飲如此臨終辭鄉里託以

梨花

一林輕素媚春光透骨濃薰百和香消得太真吹玉笛小庭人散月如霜

春早

斷冰銷盡春芽尖凍壠蘇來白薺添幾片野雲飛不去晚風吹作雨纖纖

岳行甫

宋元詩會

卷之六十四

五

存素堂

字仁老鄜州洛川人在關中最有詩名泰和初有以仁老所作達之道陵者道陵大加賞異授以官不就士論皆高之

謝人惠二小漆冠

規製新翻出杜郎最宜閨子夜燒香不爭寶髻峩宮樣自與霓裳配道裝細攏翠鬟雲易滿淺銜牙櫛月難藏水衡雙寄非無意要買楊枝惱孟光

立春日

銀線青絲翠梳堆爭牛擊鼓欲驚雷翻風鬪巧春頭勝漉雪浮香臘尾杯迎暖梢梢金著柳逗寒葉葉粉飄梅不成一事人空老半百光陰又七迴

周馳

字仲才濟南人經學出于醇德先生王廣道賦學出于泰山李時亨至于党趙又其忘年友也資性古雅而以襟量

見稱大定中任太學屢試策論魁多士貞祐之兵濟南陷不冑降赴井死

勿以微才棄安危任不輕誰憐一片小能使四方平几案由吾

正槃孟免爾傾會當遇夷坦沈默更何營此詩王仲澤所作或因

與周仲才詩意相近姑附于此以俟更攷

酬郭安道二首

西風吹起白蘋波半夜扁舟掠岬過不向長橋沽一醉滿天明月奈秋何

江間小艇數能乘活計今如船子僧稍喜老妻能斫鱠欲令樺子學扳罾

劉鐸

字文仲冀州棗強人承安五年進士元光二年入為太常博士正大初改兵部員外郎以武昌軍節度副使致仕癸

已歲病歿于京師自號柳溪先生有集傳世

春日

翠微深處幾人家風颺輕煙雨壓沙寒勒野桃開較晚向陽纔有兩三花

讀李訓鄭注傳

誰教閭宦作權臣肅代優游到敬文三子謀疎誰不道泄機也合罪劉蕡

劉勳

字少宣本出洛陽元魏遷洛陽二十萬家實雲中故其父祖而上為雲中人至少宣客居濟南樂其風土遂占籍焉少日住太學與兄譙庭老俱有聲揚屋間南渡後專于詩學往往為人所傳云

春日

粉蝶耽香夢正迷黃蜂和密計何癡小軒無事誰如我卧看楊

花點硯池

秋涼

桃笙乘勢獻微涼紈扇無功送暑光老病不嫌風露冷莫教添作鬢邊霜

秦略

字簡夫陵川人父嗣軒有詩名工作大字簡夫少舉進士不中即以詩為業尚詩尚雕刻而不欲見斧鑿痕故頗有自得之趣悼亡一詩高出時輩殆荆公所謂看似尋常最奇崛成如容易却艱難者耶年六十七卒臨終留詩云軀殼羈棲宅見孫難近思雲山最佳處隨意著詩魂簡夫自號西溪老人有集行于世子彥容為黃冠師

白髮

臨水時自照照我須與眉何所似恰似純白絲從此一白後寧

有再黑時譬如花落地不復還故枝殷勤語須眉聽我自解詩幼小癡讀書既壯多憂思自苦有冰蘗自潤無膏脂勞生到今

日汝自將何辭

悼亡

自古生離足感傷爭教死別便相忘荒坡何處墳三尺老眼他鄉淚數行多事春風吹夢散無情寒月照更長還家恰是清明節忍見堂空紙挂廡

馬天來

字雲章人止謂之元章介休人黃裳榜經義進士博學多技能畫入神品百年以來無出其右者大安初調潁州司候靈璧簿召為國史院編修官正

山中

青林寂寂鳥關關画出風煙花照間脫却草鞋臨水坐野雲分

我一邊閒

劉昂霄

字景玄別字季房陵川人元裕之云泰和中予識景玄于太原人有言是在家讀廣平記半月能背誦者予未之許也戲取市人日曆鱗雜米鹽者令讀之一過目無脫遺嘗用門資序調慶陽軍器庫使使不就諸公方薦試宏辭而景玄病不起矣臨終夢賦山泉云帶雲紫遠澗和月到疎林又云萬里馮唐老中年賈傳歸未幾下世年三十七

趙村晚望

放眼東原上風煙接渺茫林疎出村落野迥散牛羊天地浮元氣山河半夕陽登高一長嘯未覺阮生狂

田紫芝

字德秀滄州人父濟以蔭為部掾德秀少孤養于外家定襄趙氏故多居于忻年十三外祖廣寧治中命賦麗華引語意驚絕人謂李長吉復生資性穎悟一覽萬古言年二十讀經傳子史幾編為人疎俊而以蘊藉見稱與同郡元騎所馳遇害時年二十四士論惜之遊

夜雨寄元敏之昆弟

醉卧蕭森蝶翅輕一燈無語夢邊明虛檐急雨三江浪老木高

風萬馬兵枕簾先秋失殘暑湖山徹曉看新晴對牀曾有詩來
否為問章家好弟兄

亂後登凌雲臺

秋思紛紛不易裁凌雲臺上獨徘徊亂鴉背著斜陽去寒鴈帶
將春色來破屋無煙空碎瓦新墳經雨已蒼苔天翻地覆親曾
見信得昆明有劫灰

冥鴻亭下第後作

眼底功名一物無飛揚跋扈竟何如青雲岐路多辛苦賴得皇
家結網疎

王萬鍾

字元卿秀容人父甫字用之通經史淳質有儒行亦以知
警見稱兄萬石字器玉住太學有賦聲用之妻死不更娶
二子俱無家室井田之事率親為之貧居陋巷中破屋蕭
然不蔽風雨而絃誦之聲不絕也元卿少有逸才與同郡

田德秀齊名號王田初用之聞北兵入塞即以其州為不
可守去之太原五年不敢歸貞祐二年州破死者十餘萬
人而用之亦以是日病歿于太原較其時皆三月三日已
時也人謂用之先見固可稱然生定數亦自不能免云
元卿父歿之後與其兄居于平晉之金城里明年兵復至
兄被害元卿歿收葬之時遊騎充斥親舊勸勿往元卿持
不可曰兄死不收留此身欲何用耶流涕而去尋亦被禍時人甚哀惜之死時年二十七

元氏桂軒為敏之賦

簾捲前堂前桂子涼一軒燈火夜初長月中春好元無價天上
風來別有香棠棣一家同映秀詞林百世繼餘芳閒花草空
無數掩盡人間獨擅場

春宵

風尖月細春猶淺酒冷燈昏夜向深人在西軒愁不寐十年間
事總經心

雷瑄

宗元詩會

卷之六十四

七

存素堂

字伯威坊州人以薦書從事史館調入作司使博學能文時輩少有及者并州人李汾與伯威同托史館以高蹇得罪伯威作詩送之頗譏翰林諸人不能少忍至與一書生相角逐使之狼狽而去有郎君未足留商隱官長從教罵廣文之句又云明日春風一杯酒與君同酌信陵墳人甚稱之

信陵館酒間

維昔有迂叟樹桐彼高岡殷勤為封植遂欲棲鳳皇桐生日已長鳳來殊未央維鳳覽德輝非時詎來翔枝幹枯以死志願終莫償憶在西周初飛下岐之陽裴回不能去和鳴聲鏘鏘文王既已沒千載徽音亡吐爾叟何為而欲發其光空令枯株上日晏啼鶯鷓

古意 二首

綿綿兔絲草濯濯檉樹枝結根偶相植引蔓纏綿之春風一披拂花葉含榮滋弱質附羨蔭百齡誓不違清商忽用事霜飈颭

已淒豈意百尺條同此寸草萎柔蔓失所託憔悴徒傷悲知君無歲寒何用相因依賢王悲墜履賢婦念遺簪重在不忌故微物何所欽嗟我昔遊友雲路揚徽音詎念宿昔好棄擲各飛沈昔如膠投漆今如辰與參桃李雖成蹊諒無松柏心

龍德宮

紫簫吹斷絳雲歸十二樓空盡玉梯綵仗竟無金母降仙裾猶憶化人攜千年洛苑銅駝怨萬里坤維杜宇啼莫倚危欄供極日斜陽更在露盤西

王賓

字德卿亳社人貞祐二年進士由虹縣令入為尚書省令史士辰遇亂反正授同知集慶軍節度使明年以蔡州迎駕詔行六部尚書事為叛兵所害

除夜

落拓功名挽不前圍爐兀坐夜蕭然臘殘画角東風裏春到梅花小雪邊守得歲來慵攬鏡送將窮去自衰船平明檢點人間事只有詩魔似去年

李夷

字子遷後改名儀宛丘人苦于作詩賦古鏡云盤盤古皇州夢斷繁華歇一鞭春事忙耕出隴頭月土蝕背花昏蹄光閱人多曾有此容否欽叔諸人甚愛之

書淵明傳後

南渡龍孫角禿顛不甘橫斃寄奴弦一襟義氣塵周粟滿簡清風削宋年雪徑低迴松落落霜籬健羨菊鮮鮮時屯謚輩輕顏節顏厚吾家草木賢

史學

字學優延安人兄才字才長住太學有聲學優正大中省試第一人釋褐舞陽簿辟盧氏令卒官妻李氏河南尹成之孫女小詩殊有思致學優嘗客京師有所眷久而不歸李作詩寄之云百年風樹底誰淚到君前學優得詩即日命駕

陪陳彥人謁筠泉榮上人以下四絕句皆其兄史才詩因學優附見

強隨禪客到西禪竹柏團青蔭石泉一首小詩吟不就閒情元在落花邊

宮詞

寶帶香繡水府仙黃旂彩扇九龍船熏風十里瑤華島一派歌聲唱采蓮

晚梅

孤根春半恰春回剛逐天桃艷杏開蝶子蜂兒應有語東風元不為渠來

七夕

箱牛回馭錦機閒天上悲懽亦夢間月夜並門肩人不見蕭蕭
風葉滿驪山

侯冊

字君澤以門資仕與杜仲梁張仲經劉京叔遊用是得名
嘗作樂府云玉階春草傷心碧錦瑟華年過眼空又云
千金買斷青樓月爛醉桃花扇影風人多愛之壬辰歲病
京師園中作詞甚哀明日君澤死其後京城亦丘墟矣

醉中

爛醉歸來失驢脚破靴指天冠倒卓起來白眼望青山狂氣崢
嶸無處著陶潛止酒意有在舖糟醲良未害君看謝奕對桓
温得失老兵何足怪螟蛉螺贏待二豪飲中寧有山家濤平明
徑訪陳驚坐相對西風把蟹螯

寒食

交遊零落葉辭柯歲月崢嶸馬注坡燕子不來寒食過滿城風
雨落紅多

昨朝

昨朝已作春歸辭今日還成送客詩客子春光俱不見落花寂
寂閉門時

王元粹

字子正初名元粹後止名粹平州人系出遼世衣冠家年
十無能當之者正大未用門資為南陽酒官遭亂流寓
襄陽襄陽破隻身北歸寄食燕中遂為黃冠師有十月風
霜侵病骨數家針補殘衣之句荆舊有憐其孤苦欲為之
更娶者子正業已高舉主太極道院竟不能自返年四十
餘癸卯九月病卒詩人淄川楊叔能挽之云匹婦主中饋
雖貧生理存五言造平淡隻影臥黃昏謾下陳蕃榻虛沾
文舉尊北平家世絕銜恨入荒原從
弟鬱亦攻詩方之其兄益商周也

春日

春日何慘慘春雲何陰陰桃李都未花况乃餘寒侵久在 cities 居而無人見尋讀易了一編靜見天地心貧士寡徒侶古來非獨今

西山避亂

蒼山多回五四望令人迷過午日已暖殘雪融為泥路滑不可進弱葛愁攀躋老幼委溝壑不如犬與鷄嗷嗷同行子手中各有攜汲澗為飲食架木為巖栖夜半三四驚翁媪禁兇啼念我長病母亂離隔東西

壽李長源

匹馬短衣看此行看君誰信是書生聽詩未覺秦川遠倚劍長懷晉水清一飯見哀韓信恥千金為誰壽魯連輕壯年休灑新亭淚且為江山灌巨觥

王鬱

字飛伯少日作樂府擬古別離有黃鶴樓高雲不飛鸚鵡州寒星已贈之句人多傳之其後入京師大為李欽叔所稱用是頗自貴重云

傷別曲

蘭皋飛暗塵征車紆去轍長安雖咫尺回首繁華歇故人亭下酒蛾眉眼中血平生慷慨腸忽作柔絲結傳聞紫塞傍秋烽下危堞班超未投筆來瑱空嚼鐵誰能金閨中坐看娟娟月

古別離

山腰露蕙含天淚江林楓葉秋容醉夫君八月雁門行碎霜冷印白龍轡憶君挑妾初鳴琴琴中已有白頭吟朝朝暮暮當時事言之祇足傷人心君不見湘妃二女哭舜時煙筠青玉紅珠滋蒼梧人去百想絕忍教今日生離別生離別情偏重不及雙

飛南浦雲落紅寂寂春閨夢

折楊柳

長安二月多綠楊遠信未到龍庭旁佳人中夜抱影坐風窗冷
冷愁思長青天無雲一鏡潔萬戶千門音響絕何人橫笛在高
樓玉龍叫徹春江月

王革

字德新一名著臨橫人漢一作潼用蔭補官正大中以六
赴廷試賜出身調宜君簿為人蘊藉善談笑密國公時
與之唱酬相得其歡
年七十八終于雲中

寄荅劉京叔

十年相望惜睽違驚見蘭章墮客扇鄭子已聞耕有谷榮公誰
念老無衣水浮落日流難盡山礙行雲斷不飛千古神州亦吾
土幾時同采北山薇

申萬全

字百勝高平人少有聲大學貞祐二年乙科調福昌簿不
赴隱居盧氏山中以讀書為業正大中召為史館編修從
征死于水

病中

浪走天涯歲月侵病中猶作越人吟野麋本自便豐草倦鳥寧
堪憶故林画像功名原有病命乞墻富貴果何心幾時真脫塵
囂累巖岫尋居不厭深

杜佺

字真卿武功人宋末有詩名于閩中阜昌中登科位官亦
有聲馬嵬太真墓過客題詩甚多道陵詔錄其詩得五百
餘首付詞臣第之
真卿詩在高等

馬嵬道中

垂柳陰陰水拍堤春晴茅屋燕爭泥海棠正好東風惡狼藉殘

紅送馬蹄

李之翰

字周卿濟南人宣和末擢第人有勸謁童貫可以徑至館職者周卿謝絕之金兵破洛州縛見元帥誘之使降語及君臣之祭亂辭情慷慨自分一死帥憐之遂被錄用後守寧州

書呈仲孚

造物固難量誰能計寒餓失馬乃為福夢牛翻作禍長溪霜練靜修嶺蒼龍卧魂夢吾已安不勞歌楚些

歲暮

休怪年來白髮新天涯三載困埃塵偶離沙磧窮陰地收得桑榆老病身對雪莫吟秦嶺句撥酷且醉漢江春此生自斷無餘事何必區區問大鈞

三興居士

三興居士阜昌中人

題平陰居士

三吳家近水晶宮行坐紅香綠影中今日異香僧寺裏一盃荷葉戰西風原註云三興寓宋興之意三字可增作宋亦可作中

楊興宗

興宗高陵人宋既渡江故興宗有龍南集楊君羨嘗見之。按興宗者亦寓意與三興同

出劍門

嘔啞鳴櫓下長川萬疊青峰只眼前山鷓啄殘紅杏粉杜鵑啼破綠楊烟夢迴蜀棧雲千片醉枕巴江月一船物色誰分杜陵老風騷牢落劍南天

元日能

日能不知何許人與劉巖老同時

紅梅

天上瓊兒白玉肌
吳妝約略更相宜
認桃辨杏由君眼
自有溪風三月知
出老同賦云一點清香透雲雪是中那得杏花天
許者謂二詩同意而日能為功工。吳妝一作紅妝

范墀

字元涉系出潁川
有詩話行于世

和高子初梅

春風也自惜流光
只放寒梅一樹芳
玉粉更妝前夜雪
口脂猶注昔年香
江湖昨夢誰同寄
詩酒風流豈易忘
東閣何郎未全老
花枝休笑鬢絲長

宋楫

字濟川長干人年十九天德三年擢第除著作郎母老丐歸養許之官至孟州防禦史

庭槐

庭槐先人手所植
再世清陰方滿臺
慚愧兒孫種桃李
花枝準擬當年開

高德裔

字曼卿鶴野人高才博學弱冠擢第累遷登聞檢院同知太府少監平陽少尹開州刺史豐王傅卒于西京路轉運使

坐忘女

女環川張氏年十三異夢之後
坐忘已四年矣贈詩者甚多

結習銷來性自圓
去留元不問人天
消搖自是忘形蝶
枯寂寧同委蛻蟬
無礙真空常蕩蕩
若存餘息尚綿綿
立亡坐脫皆游戲
定力何嘗有變遷

郭長倩

字曼卿文登人皇統丙寅經義乙科仕至祕書少監兼禮部郎中修起居注

義師院叢竹

南軒移種自西壇瘦玉亭亭十數竿得法未應輸老柏植根兼
得近幽蘭雖無穠艷包春色自許貞心老歲寒百草千花盡零
落請君來向此中看

張翰

字林鄉秀容人大定二十年進士為人有蘊藉如素宦
然累遷監察御史翰林直學士貞祐初戶部侍郎車駕南
渡出為河平軍節度使召拜戶部尚書卒年五十五

萬寧宮朝回

宿雨初收變曉涼宮槐恰得幾花黃鵲傳喜語留鞞尾泉打空
山輓鞠場已覺雲林非俗境更從衣袖得天香太平朝野歡娛
在不到蓮塘有底忙

金郊驛

山館蕭然爾許清二更枕簟覺秋生西窗大好吟詩處聽得松

聲又雨聲

李好復

字仲通安喜人明昌二年進士掄次令有能聲入為警巡
使嘗以事縛一護衛道陵有投鼠之喻出為歷城令終于
滑州刺史

雨中與客飲

門外平橋一水分數聲漁唱隔溪聞暖風落絮飄香雪小雨沾
花溼夢雲釀具未甘名長物詩壇聊欲張吾軍相逢莫惜通宵
飲明日閒身不屬君

楊邦基

字德茂大定中進士仕至祕書監禮部尚書文
筆字画有前輩風調世獨以其画比李伯時云

墨梅

粉蝶如知合斷魂啼妝先自怨黃昏花光筆底春風老寂莫嶺

南煙雨痕

盧元

字子達玉田人幼而敏惠年未二十試于長安為策論魁擢第後又中策魁明昌初章廟設宏詞科命公卿舉所知子達與郭鞏周詢張復亨就試凡七日並中選遂入翰苑累遷至侍制

閒詠

天近蒼龍闕居連洗馬堂松聲得鄰舍山色出宮廡巷陋輪蹄少庭閒日月長九衢紅霧裏亦有白雲鄉

石抹世勳

字進卿承安中進士終於禮部尚書

紙鳶

鷓鴣鵬鴉孰雌雄假手成形本自同果物人人戲物為風乘我我乘風扶搖漫擬層霄上高下都歸半紙中見輩呶呶方佇目

豈知天外有冥鴻

趙思文

字廷玉永平人明昌五年進士貞祐中陷沒都城間關南渡遂為金主所知歷鄆州刺史汝州防禦使金安集慶兩軍節度使召拜禮部尚書壬辰卒

試院中呈同官崔伯善李順之

睡起松陰鳥雀譁忽驚霜果墮檐牙簡書迫促全疎酒眼力眵昏只費茶不學道人餐相葉却隨舉子踏槐花提衡文字非吾事崔李風流有故家

劉昂

字次霄濟南人承安五年進士調鄆縣令劉光甫曾為同官稱次霄高材博學詩時有佳句云

讀三國志

虎視鯨吞卒未休一時人物盡風流婦翁正得黃承彥兒子當

如孫仲謀乳臭蒙孫真寄坐齒寒鄰國莫分憂阿滿孤媚無多
罪誰作桓文得到頭

王仲元

字清卿平陰人承安中進士以能書名

雪中同周臣內翰賦

天上瑞花散不收温温叶氣泱皇州橫溪月澹梅宜臘平野風
閒麥有秋清興雅高東武會孤吟誰似灞陵遊西山玉立三千
丈好句都輸趙倚樓

盧洵

字仁甫高平人李承旨致美見所作上梁文勉使就舉六十一歲呂造腐登科歷河南府教授河陽丞宜陽令致仕後居伊陽年八十三卒

白溝

白沙清淺不容舟遼宋封疆限此溝到了山河無定主碧波依
舊只東流

馮辰

字駕之臨潼人貞祐三年進士辟涇陽令九歲知作詩

雨後時三年

東風花外錦鳩啼喚起西山雨一犁綠滿蔬畦人不到桔槔閒
立夕陽低

李過庭

字庭訓武亭人貞祐二年進士歷宜陽永寧滎陽三縣令所去見入思入為右曹掾斷獄寬平當妖賊李亨首坐所註誤數百人皆從輕法正中擢右三部司正終于昌武軍節度副使

讀公孫弘傳

古來好客數平津我道真龍未必真一箇仲舒容不得不知開

閣為何人

宋元詩會卷之六十五

皖桐陳焯點公輯選

後學程仕松皋叅較

金詩附

張介

字介夫彭城人正大元年經義第一人歷鞏穀孰二縣令幼有賦聲為人蘊藉

讀天寶遺書

不但昨非今亦非上皇騎馬淚沾衣曲江死後無忠諫卻憶詞人秋雁飛

龐漢

字茂弘平晉人正大末年進士沈毅有志節待次內鄉北山兵亂遇害

終南溪

冷雲低壓萬長楊十頃秋陰鎖北堂門外兵塵漲秦楚水邊烟

景似湖湘荷翻山雨僧窗晚竹汎溪風客枕涼早晚初平遂真
隱遶陂閒牧石頭羊

神童劉微

字伯祥益都人七歲能文道陵召入宮賦鳳凰來儀
二首稱旨賜經童出身係籍太學後登貞祐二年第

春柳應制得城字

翠鈿圓勻綠線輕著行排立弄新晴更看三月春風裡散作飛
花滿鳳城

王世賞

字彥功汴人與尹無忌王逸賓趙文孺相周旋明昌中保
舉才能德行賜出身釋褐鞏州教授終于鹿邑簿有浚水
老人集傳于世

立春後十日登樓

今日登樓眼風烟倍覺新溪梅初破萼屋雪半融銀雁外天逾

碧鷗邊水自春見曹應見笑吟望獨傷神

春雪

只謂春天暖寧知雪霰飛龍蛇且滾蟄花柳不勝威糝糝凌風
細紛紛帶雨稀誰當問穹昊生殺果何機

桑之維

字之才恩州人蔡丞相堅之子婿
也樂以樂府著稱有東集傳于世

白髮

白髮近年見十中三兩莖半因愁儻出為病添成梳裏有時落
鑷餘還又生老知無可避何處是功名

馮文叔

文叔遠
東人

客舍

禿襟袖褐破書囊十五年來客異鄉生事穿中搖虎尾窮途天
上轉羊腸三朝不遇馮唐老半夜悲歌甯戚狂獨倚牛車望遼
海西風塵土鬢蒼蒼

宗道

字雲叟山陰人以足疾不仕有詩云家藏千卷富身
得一生閒茅屋經年補柴門盡日閑其自處可見

寶巖僧舍

寂寂鐘魚栢滿軒午風輕颺煮茶烟西廊竟日無人到只許山
人借榻眠

鮮于溥

字彥仁宋文臣子駿之後高祖淳淳之子孝標標之子壽
吉壽吉之子坦皆擢進士第而仕亦達彥仁坦之子以門
資仕終于樸陽令濟源盤谷天壤佳處坦父子居其
間飲酒賦詩脩然塵垢之外至今人以高士目之

魯村道中

小橋沙路已堪圖更著衰翁跨蹇驢暮靄似催寒日短秋容仍
帶遠林疎鷓盤平野黃榆落兔走橫岡白草枯漸喜閒身遠朝
市一年強半在村墟

早發

燈前夢斷家千里馬上詩成月一痕晨粥未烹官路遠隔林烟
火是漁村

郝天挺

字晉卿陵川人家世儒素伯父子賜有詩名號東軒老人
晉卿少日有賦聲早衰多疾厭于名場遂不復就舉貞祐
之兵避于河南往來淇衛間為人有崖岫耿耿自信寧落
薄而得死終不一傍富見之門年五十七卒于舞陽臨終浩
歌自得學舉業晉卿教之曰今日自處為可矣元好問少
從晉卿知學舉業晉卿教之曰今日自處為可矣元好問少
氏分一級綴緝外或篇題之曰讀之不為藝文選官不為利
人况一敗塗地者乎又曰讀書不為藝文選官不為利
唯通人能之及曰今世仕宦多用貪墨敗官皆苦于饑凍
弗克自堅者耳男子生世不不耐饑寒則雖小事不能成子

試以吾言求之其所持論如此子思
温字和之孫經字伯常入元為名臣

送門生赴省闈

青出於藍青愈青小年場屋便馳聲未饒徐淑早求舉卻笑陸
機遲得名嗟我早衰空眊矚喜君初筮已崢嶸此行占取鼇頭
穩平地烟霄屬後生

徐好問

字裕之永寧人彭汝實曰徐與遺山同名同
字不以為嫌而錄其詩前輩胸中廣大類此

龍門

踈鑿而來道路通行入萬古翠微中南山山寺題詩滿一字何
嘗到禹功

邢安國

字仲祥沁州武鄉人少日有賦聲四十歲後即不應科舉
以詩酒自娛避亂客泌陽十餘年後北歸備極艱苦往往

見於
詩云

楊花

細點輕團轉復飄隋家堤岸霸陵橋非綿非絮寒無用如雪如
霜暖不消狂惹客衣知有恨巧尋禪榻故相撩陂塘回首浮萍
滿依舊春風擺翠條

曹王劉豫

字彥由阜城人仕宋知濟南府事汴下立張邦昌為大楚
皇帝宋滅楚更立彥由國號齊建元阜昌八年廢為蜀王
遷黃龍府改封曹
有集十卷行于世

雜詩 三首

風荷柄柄弄清香輕薄沙禽落又翔紅日轉西漁艇散一川山
影暮天涼

古渡停驂日向沈淒涼歸思梗清吟碧山幾點塞天濶紅葉一

林秋意淡

寒林烟重暝棲鴉遠寺疎鐘送落霞無限嶺雲遮不斷數聲和月到山家

虞仲文

字質夫世南之裔武州寧遠人仕為遼相歸金授樞密使平章政事封秦國公四歲作詩賦煎餅有魚目蟬聲之句人以神童目之

雪花四歲作

瓊英與玉葉片片落前池問着花來處東君也不知

按元裕之于金相詩內載有張丞相孝純字永錫滕陽人守宣和未知其太原金兵圍城死守踰年人相食幾盡足觀故不錄而初志可嘉聊記於此

耶律履

字履道東丹王之七世孫學易通太玄至於陰陽曆數無不精究陰補國史掾興陵朝累遷薊州刺史入翰林為修

撰歷直學士待制禮部尚書特賜孟宗獻榜進士第俄預興陵嘗問宗名臣孰為優履道以蘇端明對上曰吾聞道與王說交甚歡至作歌曲戲及姬侍非禮之甚尚何足道耶履道進曰小說傳聞未必可信就使有之戲笑之間亦何得深責世從徒知軾之詩文為不可見及其論天下事實經濟良才求之古人陸贄而下未見其比陛下無信小說而忽賢臣之言明日錄軾奏議上之詔國子監刊行自號忘言居士有集傳于世三子辨才武廟署令善才工部尚書楚才中書令四孫鈞鉉鏞鑄

史院從事日感懷

不學知章乞鑑湖不隨老阮醉黃墟試從麟閣諸賢問肯屑蘭臺小史無一戰得侯輸妄尉長身奉粟媿侏儒禁城鍾定燈花

花坐拊塵編惜壯圖

賈益謙因辨海陵之誣可証金史之謬故於其原傳全錄之

字亨甫本名守謙避哀宗諱改焉宣宗朝參知政事出知濟南移鎮河中南渡後召拜左丞尋致仕居鄭州哀宗即位史官乞因宣廟實錄遂及衛紹王初虎賦既弒遂乃立宣宗宣宗之人至衛謂衛王失道天命絕之虎實無罪且

于主上有推戴之功獨張信甫上章言虎賊大逆不道當
用宋文帝誅傅亮徐羨之故事章奏不報爾後舉朝以大
安崇慶之事為諱及是謂亨甫大安中嘗拜御史中丞
知衛王事乃差編官一人就放訪之亨甫知其旨謂來者
言知衛王莫如我然我聞海陵被弒而世宗皇帝立大定
三十年禁近能暴海陵過惡者得美士史官修實錄誣其
淫毒狠鷲遺臭無窮自今觀之百可一信耶衛王勤儉
惜名器較其行事中村不能及者多矣吾知此而已設欲
謂飾言以加吾罪吾亦何惜餘
年朝議建之正大三年八十薨

贈答史院從事

見說才名自妙年多慙政府舊妨賢物華天寶無今古鳳閣鸞
臺孰後先鄭圃道尊何敢望濟南書在子當傳花言老眼昏花
滿及見風鷄上九天

楊慥

字叔玉代州五臺人承安五年進士歷州縣人為尚書省
令史拜監察御史侍御史京西大農司丞京南司農卿戶
部侍郎權尚書入戶曹即有相望事無巨細處之皆有法
至於知朝廷大體則又非他人所能及也京地城受兵權

參知政事明年卒于河平叔玉文工于
詩而人不能文稱特未見其文耳

過司竹監有懷王監正之

不見崧丘跨鶴仙才名留得萬人傳春郊漬酒傷今日夜雨論
文記昔年宰樹謾懸公子見劍高山已絕伯牙絃故居修竹青
青在寂莫終南落照邊

乾陵

牝鷄一啄血波流天下何緣不姓周今日阿婆心力盡乾陵禿
似老僧頭

孟宗獻

字友之開封人大定三年鄉府省御四試皆第一供奉翰
林曹王府文學兼記室叅軍以疾尋醫久之授同知單州
軍州事丁母
憂哀毀致卒

搖搖風影漾寒塘靜裏亭臺日月長不似隋家堤岸上亂鴉殘

照管興亡

蕪門花塢

繞舍雲山熨眼新看花差後洛陽塵從君小築繁香塢不負長腰玉粒春

趙攄

字子充宛平人自號醉全道人

早赴北宮

蒼龍雙闕鬱層雲湖水鱗鱗柳色新絕似江行看清曉不知身是趨朝人

趙承元

字善長先世汴人兵火間族寓河間遂占籍焉大定十三年詞賦第一人除應奉翰林學士兼曹王府文學以疎俊少檢得罪王府貶廢久之遇赦量叙卒于臨北

探春

水底流泉匹練飛翹塵著柳不禁吹杖藜恰到春生處已有人家插酒旂

張櫟

字巨濟其先秦川長春人有官於山陰者遂占籍焉家世貴顯巨濟明昌五年詞賦第一人仕至鎮戍州刺史

客中

絳脣花不語青眼柳初眠塵去尋芳馬香來載酒船歸期仍雁後野興已鷗邊惆悵無家客春風又一年

初夏

小園綠筍間朱櫻點綴年華似有情露浥葛巾晨氣潤風隨竹簟晚涼生閒窺點鼠潛身處靜厭飛蚊遶鬢聲安得冷泉幽石畔解衣盤礴樹陰清

李 著

字彥明真定人字高才博學詩文得前人體工於字畫頗尚宮言承安二年經義第一人在翰林七年出判定州召為戶部員外郎坐大中黨事謫臨洮府判官量移西京路按察司判官遷彰德府治中城再陷避于塏上兵人招降大罵不從掘塏倒罵而死

觀音院書閣

曲巷蓬高一尺深小軒岑寂似山林鳥聲落枕有高下山色閱人無古今客裏三年侵老境牀頭一易浣塵襟晚涼癡坐忘言裏滿地西風白玉簪

王中立

字湯臣奇嵐人博學強記問無不知少日治易有聲場屋間家豪于財賓客日滿門所以待之者備極豐腆其自奉則日食淡湯餅而已年四十喪妻遂不更娶亦不就舉選齋居一室枯寂如衲僧如是三四年乃出時人覺其談吐高澗詩筆字畫皆超絕若有所附之者問之不言也臨終預尅死期而逝州將石倫葬之忻州時年五十六

中秋

素丸東溟來飛上坡璃盆聊揮五輪手撥去萬里陰印透山河影照開天地心人世有昏曉我未嘗古今

雜詩二首

華山宮殿白雲封想見當年打睡翁貪看終南山色好不知紅日下前峰

雲葉粼粼皺碧空笙簫遞響入天風忽驚浪耳邊急不覺形神來世中

王子可

字南雲吉州人父本軍校南雲亦嘗隸籍年三十許大病後忽發狂久之能把握筆作詩文及說世外恍惚事南渡後居上蔡遂平郟城之間在郟城為最久人與之紙落紙數百言或詩或文散漫碎雜無句讀無首尾多六經中語及韻學家古文奇字或峭勁遇宋諱亦時避之或問以故事應如響諸所引書皆世所未見談說之際稍若有條

宋元詩會

卷之六十五

存素堂

貫則又以誕幻亂語之麻知幾張伯玉與之遊最狎說其所作詩以百分為率可曉者才二三耳壬辰兵亂為順天軍將領所得知其名竊議欲挈之北歸館於州之瑞雲觀南雲明後復有將領自言云我不能往君家瑞雲觀也數日病卒後復有見之淮上者

馴鶴圖 張伯玉家畫慎宮人徐行以手整釵一鶴後隨謂韻限以釵馴鶴圖伯玉請賦詩欽叔常苦其作詩多不用

韻限以釵馴鶴圖伯玉請賦詩欽叔常苦其作詩多不用

寢處粧鉛未捲釵孤雲花帶月邊來六宮簾幕金鸞冷露溼晨烟啄翠苔

王或

字子文洛州人承安中進士資剛決不可犯為尚書省掾知管差除與郎中官相可否即棄官去往來登封廬氏山中改名知非字無咎自號照了居士居山中二十年布衣蔬食井白自親時人哀苦之而居非處之自若也少日為文工于四六詩亦有功和二字落花韻四首云曾見嬌窺宋玉廡忽驚遺夢到延涼聚塵非分侵凌玉流水無情送香錦鞵謾拋終隔面綠灰雖吐若為腸蒼苔碧草無窮恨木石癡兒亦自傷可人未厭出鄰藩回首空殘翠幕涼好

事只傳懷夢草殊鄉誰致返魂香塵凝露馬馮餘傷眼影浮馬鬼空斷腸糲李絳桃俱異物為歌薤露馮餘傷眼影浮空只自傷賞心死著未盡肌膏仍與燕泥香情知青帝回照夜妝肺腑已傳蜂蜜盡肌膏仍與燕泥香情知青帝回車日合有翔風老退房絲華終竟合凋傷獻笑紫懷忍遠忘露壓不禁昏淚臉風披無奈醉愁妝芳菲頓減園林趣狼藉空餘陌路香禪家以為證道新豐之後無有及者既學佛作決定歌禪家以為證道新豐之後無有及者

禪頌 二首

放下情懷觸處安生涯耿耿沒多般褐衣襤褸脚遮赤短髮鬚鬢底用冠一榻省緣資困歇二匙隨分了饑餐也知苦澀人人

笑烈日初心不敢謾貞祐末行臺都尉南征獲武經進士李申官李獻能欽叔愛其才辨欲活之以避嫌不取也乃託以問事機令軍中羈管之申之作詩贈主囚者云一飯感君無地報寸心許國只天知明朝定作長淮鬼馬草仍煩為裏尸又云胃中萬古橫鍾阜一死鴻毛斷不移又獻書都尉云金國歲歲南侵計所得不能禦之乎為公計者不若待南軍大舉斂兵而退人有議其後何以禦之乎為公計者不若待南軍大舉斂兵而退人有屢出無功得全師而返猶可自救不然軍敗而死固其所也乞于之下讒間一行則公受禍不久矣其軍敗而死固其所也乞于

宗元詩會 卷之六十五 存素堂

吾身非我底為情說著塵勞特地驚五九盡時山更好澗泉雲
鳥自春聲

董文甫

字國華潞人承安中進士為人淳質恬于世味於心學有所得人知尊敬之而不知其所以得也子安仁亦學道父子嘗閒居寶豐閉戶不出以習靜為業朝夕不斷宴如也國華歷金昌府判官禮部員外郎昌武軍節度副使正如中作詩貽杞縣令佐詩筆畢擲筆于地以扇障面而逝

審是堂

按劍人人駭夜光蜀鷄合道勝鸞鳳飛蛾可是無分別直認油
燈是太陽

文中子續經

紛紛述作史才雄聽似秋來百草蟲不是春雷轟蟄窟蚰蛇爭
得化成龍元好問嘗以王氏續六經為問文甫云王氏六經以權道設教雖孔子亦然但後人不能知之耳因以此詩示之

李俊民

字用章澤州人承安中舉進士第一金亡隱居教授元世祖居潛邸以安車召之乞還山

明皇擊梧圖

不使梨園子弟知太平音在鳳皇枝一朝野鹿銜花去長恨秋
風落葉時

辛愿

字敬之福昌人其大父自鳳翔來居縣西南女几山下以力田為業敬之自號女几野人年二十五始知讀書取白氏諷諫集自試一日便能背誦乃聚書環堵中讀之書至伊訓詩至河廣頗若有所欲罷不能因更致力焉音義有不通者搜訪百至必通而後已由是博極群書于三傳為精至於內典亦稱談洽杜詩韓筆未嘗一日去其手作

文有綱目不亂詩律
淺巖而有自得之趣

亂後

兵去行人歸日花開雪霽天川原荒宿草墟落動新烟困鼠鳴
虛壁饑鳥啄廢田似聞人語亂縣吏已催錢

贈劉庵主

劉遼
貴族

蚤薄軒裳貴高尋綺皓蹤一囊閣里藥六尺水雲筇午枕眠芳
景晴簷望遠蜂峰柴門常不掩應得野夫從

贈趙宜之

夫子今詞伯胡為遠帝京青雲無轍迹白髮有柴荆鬼戲多年
病人高四海名麟經方有鍍無惜繼丘明

同趙長水汎舟

洛水秦山晚自澄孤洲烟樹綠相仍波搖朗月浮金鏡嶺隔華

星斷玉繩但覺轉船驚白鳥豈煩揮箠怒青蠅風塵浩蕩飄蓬
裏愧似林宗陪李膺

題游彥明林園

先生未老厭儒冠築屋栽籬守歲寒經史日長常滿案魚蝦溪
近得供盤幽花入室無多種瘦竹闌情只數竿瀟灑遠辭車馬
跡求官何必近長安

函關

雙峰高聳大河旁自古函關一戰場紫氣久無傳道叟黃塵那
有棄繻郎烟迷短草秋還綠露浥寒花晚更香共說河山雄百
二不堪屈指算興亡

隆德故宮

蛇分鹿死已無秦五十年来漢苑春問著流鶯無一語柳條依

舊拂牆新

山園

歲暮山園懶再行
蘭芳衰菊悴頗關情
青青多少無名草
爭向殘陽暖處生

李汾

字長源平晉人系出雁門曠達不羈好以奇節自許元光未用薦書得從事史館長源素高亢不可一世乃今因斗食致人以府史蓄之殊不自聊未幾忤翰長罷尋入閔明年驅數馬來京師日以馬價佐歡道逢怨家則畫地大數而去又明年恒山仙在鄧之西山長源往說之署行尚書省講議官既而恒山與參知政事思烈相異同頗謀自安懼長源言論欲除之適之泌陽竟為所害

州北三首

州北光風艷綺羅
南來扈從北人多
梨園法曲懷奴舞
月窟新聲倩女歌
紫禁衣冠出金馬
青樓阡陌瞰銅駝
薄游卻憶開元

日常逐春風醉兩坡

琪樹明霞五鳳樓
夷門自古帝王州
衣冠繁會文昌府
旌戟森羅部曲侯
美酒名謳陳廣座
凝笳咽鼓送華輶
秦川王粲何為者
憔悴蠶塵坐白頭

樓外風烟隔紫垣
樓頭客子動歸魂
飄蕭蓬鬢驚秋色
狼籍麻衣浣酒痕
天塹波光搖落日
太行山色照中原
誰知滄海橫流意
獨倚牛車哭孝孫

上清宮

蒼梧雲氣赤城霞
綿絡鈞天帝子家
仙掌高承九霄露
霓旌遙駐五雲車
昆明火劫驚人世
瀛海風濤撼客槎
醉裏忽逢王子晉
玉笙吹上碧桃花

避亂陳倉南山回望三秦追懷淮陰侯信漫賦長句

憑高四顧戰塵昏
鷄野山川自吐吞
渭水波濤喧隴阪
散關形勢輒興元
旌旂日落黃雲戍
弓劍霜寒白草原
一飯悠悠從漂母
誰憐國士未酬恩

清明

鳴珂振轂滿重城
春日綿綿老燕鶯
人在碧鷄坊外住
澹隨流水過清明

蘓客鄉秦

遊說諸侯獲上鄉
賈人脣舌事縱橫
可憐一世癡兒女
爭羨腰間六印榮

馬中令周

腳踏長安陌上塵
布衣西上欲誰親
君王不肖常何策
憔悴新豐一族人

李獻甫

字欽用欽叔從弟也兄欽止欽若皆中朝名勝家故將種而同時四進士人門之秀照映一時欽用博通書傳于左氏及地理之學尤精為人有幹局心思所到則絕人絕遠甚故時人有精神滿腹之稱歷咸陽簿辟行臺掾屬正大初夏人無以折之往馮子駿往議欽用預行夏使有口辯馮善人無以折之往馮子駿往議欽用預行夏使有口辯馮奇進曰夏國與敝邑和幣寧有據耶曰兄弟且不論宋日曾與吾家二十五萬匹曲故具在君獨不知也金朝必欲修舊好非此例不可欽用作者曰使者尚忍言耶宋以歲幣餽君家而賜之姓岸然以君父自居夏國君臣無一悟者誠謂使者當以為諱乃今公言之使者果能主此議以從賜姓之例歟邑雖歲損五十萬某請以身任之夏使語塞和議乃定

別春辭

東皇按轡來何遲
人間二月才芳菲
六十日春能幾時
不如意事常相隨
一聲啼鴉花片飛
把酒卻與春別離
春緩歸聽我歌
滔滔歲月如流波
貴屐孰與賤樂多
吾寧不欲列華鼎
馳鳴珂

香屏倚妓薦綺羅人生賦分有定在誰能買愁費天和長安市
上酒如海跨驢徑上胭脂波酒酣酣舞雙婆婆春自來去如予
何

興慶池書所見

短短菰蒲刺水青翠萍開處鑑波明画船轉過垂楊外水面風
來聞樂聲

元德明

字明德秀容人唐禮部侍郎次山之後自幼讀書世俗鄙
事終其身不挂口為人成實樂易洞見肺腑雖童子以言
欺之亦以為誠然也累舉不第放浪山水間未嘗一
日不飲酒賦詩春秋四十有八終于家二子好占好問
仙鷄詩并序

繁時義興鎮酒家韓氏子畜一鷄以善聞雄其鄉一日
敵家用藥飼雞使不知痛求與韓雞對韓雞聞久果被
傷口下頷不收垂死矣一賣藥道人過其門曰我能活
此韓欣然使療之里中諸兒隨看者一二十輩皆使向

壁立道人以雞置籠中探手良久若摩拊然者已而取
瓢水啜之置瓢籠上即出門見曹怪其久不還竊視之
雞啄已復生已矣道人布袍草冠腋下懸青囊落魄嗜
酒夜宿寺閣上韓氏子與里中人奔走求之并所因草
薦不在矣是時明昌七年仲規弟為此
鎮酒官予亦在焉作仙鷄詩以記之

老雄健鬪誇壇場韓郎抱歸神色傷豈知黠兒出徼倖毒手一
發不得防毳衣散灑尚可養利嘴一哆何由張青囊道人何許

來自言救藥吾有方垂髯啜水濯殘血半啄隨手生新黃筠籠

乍開聞臍膊草冠已往徒驚忙神仙世有寧虛荒惜哉詭激不

可量世人鷲勇天且割况于物也恣彊梁敷榮枯枿變金石未

若與世鍼膏育何須變化示狡獪知君辦作淮南王蓬萊東望

雲茫茫愛而不見心且狂刀圭不願換凡骨且歆其醉無何鄉

送德温同舍赴簾試

太常寺祠水蒼珮內相腋下金蓮燭皇家結網未曾疎亦有佳

人在空谷一從唐賦變遼律仰視折揚猶雅曲雲臺勲業一青山披髮操戈踵相屬筋疲力涸僅乃得墨水一升凡幾辱英雄俛首入彀中舉世悉然非子獨子家口衆親又老歲月旨甘須寸祿薦書聞說過南宮冷暖人情到僮僕我初與子偕計吏人後人前隨碌碌不慙齊客售歌鼓瑟頗為荆人悲獻玉一詩今日送君行萬里秋風看鴻鵠

室人生朝

新酒清渾共糟牀洗盞嘗平時惟欲醉此日重難忘容服慙王霸山林得孟光白頭翁與媪萬事聽諸郎

秋暮王氏園亭

細徑雲林底危亭澗水瀕涓秋先殞黃葉寒未老紅葵嚼句幽禽答尋花晚蝶隨無人共幽興思與野僧期

寒食再遊龍福田寺

春山寂寂掩禪扉複嶺盤盤入翠微布鞵青鞵供勝踐粥魚齋鼓薦玄機日烘煙幽徑綠煙煖風定曉枝紅雨稀曾是西堂讀書客不應啼鳥也催歸

劉 初

字京叔山西渾元人金之遺民著歸潛志

古意 二首

庭前有桂樹綠葉尚離披秋風動地起飄落將安歸高飛入青雲下飛入汙泥貴賤既偶爾孰為喜與悲

秋江有芙蓉顏色好鮮潔褰裳欲采折水澗不可涉巖風下飛霜芳艷空凋歇悵望一長嘆臨川無桂楫

送雷伯威

朔風起天末落葉鳴空山冰霜正凝返遊子百里還山郭送將
別徘徊上高原如何睽離情對此芳歲闌壯士志四方不須涕
洟瀾人生非山海會面亦不難願子崇明德餘功振文翰長因
東南鴻惠我金玉言

懷長源

涼月夜如水秋風吹紫蘭獨居悵無聊佳人阻河山河山邈千
里相望何時已雲橫雁影沈露下蟲聲起烽火照中州西南殺
氣浮君居劉山下果若向時不人生有別離別但惜知音絕匣
內卧青蛇光芒射秋月汴水碧參差葉飛空樹枝如何相憶處
還值暮秋時

征夫詞

頑雲漠漠秋天黑冷雨瀟瀟和雪滴途中騎士衣裳單半夜衝
枚赴靈壁中州近歲雨雪多只因戎馬窺黃河將軍錦帳衣千
襲馬上揮鞭得令急但令飽暖度朝夕一死沙場吾不惜九重
日望凱歌歸安知中路行逶迤願將舞女纏頭錦添作征人身
上衣

征婦詞

青燈熒熒照空壁綺窗月^上莎鷄泣良人塞北遠從軍獨妾深閨
長太息憶初癡小嫁君時謂君早晚擁旌麾如何十載尚輿隸
東屯西戍長奔馳秋風戎馬臨關路千里持子闕上去公家事
急將令嚴兒女秋情那得顧恨妾不為金鞞鞞在君腰下隨風
埃恨妾不為龍泉劍在君手內飛光燄慕君不得逐君行翠袖
班瀾空血染君不見重瞳夙駕遊九疑蒼梧望斷猶不歸况今
沙場征戰地千人同去幾人回君回不回俱未見妾心如石那

可轉

南京遇仙樓

倚天突兀聳高樓樓上人家白玉鈎落日笙歌迷汴水春風燈火似揚州仙人已去名空在豪客同來醉未休獨倚朱闌望明月驚旌依約認重遊

過陳司諫暮

鸞坡烏府舊遊空三尺孤墳野寺中猶有憂時心不死墓門昨夜起秋風

元好古

字敏之性識穎悟讀書能纏記無所不窺年二十就科舉再上中意殊不自聊又娶婦不諧日致惡語遂以得疾未幾沒于北兵之禍年三十一
中秋無月

佳人無物慰相思先賞吟空昨夜詩莫怪更深仍坐待密雲或有暫開時

古今圖書集成

卷一百一十五

鈔本

臣

臣等謹將

